

Kure Y'umatima



Kure y'umutima

DUC AUTHENTIQUE

©Copyright 2022 — Duc Authentique

Uburenganzira bwose burabitswe. Ntivyemerewe kugira kopi, gusohora canke gushira ku mbuga ngurukanabumenyi mu mvo zo kugurisha kino gitabo utabiherewe uburenganzira n’umwanditsi Duc ubwiwe canke uburongozi bwa Duke Stories.

Abagiteguye:

Umwanditsi: Duc Authentique

Umuhiyanyuzi: Duc Authentique

Igifuniko: Duc Authentique

Contacts: Duke Stories (Facebook)

Duc Authentique (Facebook, Instagram, Twitter ...)

duccendrars@gmail.com

+257 71349267 (WhatsApp)

Casohowe na Duke Stories

Bujumbura, Burundi

Hamwe na Duc Authentique nyene:

IMBERE YO KUGENDA

RUGIRA IMBARAGA

UBWENGE

UMUSODA

UGUHEMUKA

IBIHE

INKURU YA MIKE

INYUMA Y'UBUZIMA

IKIGUZI NARISHE

NIZINDI...

Agace 1

Ubuzima ni urukurikirane rw'ibihe aho ubona buca ukabona bwira rimwe ukaryoherwa irindi ukababara.

Ivyo n'ibisanzwe kuko ntawe bitabako kandi buri wese amaze kubaho amenya kwitega vyose.

Natanguye guca ubwenge mbona muhira Papa na Maman ndetse nabakozi tumeze neza numva atakibazo mfise.

Igihe kimwe nubwo nari muto cane ariko ndavyibuka nkivyo nabonye ejo, nabonye Papa aza muhira yihuta niruka kumuyambira ariko aca ancako anyaruka arangurura mucumba mbona asohokanye ivarize aragenda nasigaye ndarira nkumwana uwariwe wese ataba ashaka ko umuvyeyi amusiga.

Nadine yaraje aranterura anjana kwibarabara angurira chocolat hama mbona guhora tuca turataha.

Iryo joro yaba Papa yaba Maman ntanumwe yatashe nararanye na Nadine umukobwa yakora muhira.

Bukeye bwaho nabonye hinjira tentine ateruye akana Papa nawe inyuma nabandi bantu ntibuka gusa bose ntanumwe yavuga.

Barashitse bicara muri salon atawuvugisha uwundi Tentine abwira Papa ati:"Oya nukuri Papa Elvis akira terura umwana wawe ntuheranwe nagahinda!"

Papa yarimyaje aca agenda mucumba ntiyigeze asohoka umusi wose.

Nararyamyeye mvyuka ku mugoroba nsanga muri salon no murugo huzuye abantu benshi ariko bose narondera Maman

nkamubura mbajije Nadine nkabona akoroye amosozi ambwira ngo:" Maman ari ahantu heza araruhutse"

Sinatahura ivyarivyo, ku musu wakurikiye nabonye bantegura bantwara mumodoka n abandi bana bo kwa oncle tugenda turakina ariko ntibatwemerera gusohoka mu modoka gushika igihe nabonye ndabiye mukiyo ikintu cubatse namakaro hariko ifoto y'a Maman mbona bose barira.

Igihe carageze turataha hahera imisi mbona abantu benshi muhira ariko uko imisi yahera niko bagabanuka kugeza aho nasanze muhira hasigaye Papa na tentine Devota aho Papa yaje ku mbwira mu majambo yumvikana ko Maman yapfuye ari mwijuru ntazosubira kumubona yongerera ambwira ko yadusigiye akabebe kitwa Sabrina ariko Tentine yarateruye.

Ubwenge bwanje ntibwari bwashobore kumenya ubunini bwivyo yarambwiye kuko sinababaye yambwiye ko Maman arahantu heza numva nanje vyanka vyakunda igihe kizogera nkamusangayo canke akaza kuntora.

Tentine niwe yabandanije aba aho Maman atari araturera turakura ndibuka inyuma yimyaka itanu nari mfise imyaka munani niga muwakane Sabrina nawe yiga muwambere niho numvise Tentine devota twari dusigaye twita Maman ariko ashwana na Papa avuga ngo:"Agnès yarapfuye yaranaboze nimva yiwe yarazimanganye ivyo nukuvyemera Hama ukamfata nkumugore wawe nanje ukamvyarako ataruko naho uzombona uwo ndiwe! Kuko je sinaje kuba umuyaya wewe!"

Papa:" Ariko ntasoni ga Devota urumva ukuntu umuvuga nkaho umenga ntimwavukana? Tuma umwabahira nuko atakiriho basi Hama ureke kuncurira"

Devota:" Mbega igihe wamutwara sinari nakubwiye ngo utware jewe ayamango ntituba twaravyaranye tukarera abo twavyaranye"

Papa:"Imana yakoze yandinze izindi mpfuvyi kuko abana bokuvukako ntaho boba batandukaniye nabavutse kukiziga, nzorera Elvis na Sabrina Imana niyaba ikintije ubuzima"

Tentine Devota:" Uvuze ngwiki ga Papa Elvis? Hinge nze ndakwereke"

Nabonye Tentine atora ikidaje cikiyeri akimena mumutwe wa Papa amaja inyuma aca arwa hasi.

Je aho nari ndi nakomye induru aca arankwega amburura anyugaranira mucumba canje nguma ndirirayo niyumvira ko Papa nawe ashobora kuba yapfuye.

Uwo musu waraheze atawuje kunyugururira bukeye bwaho niho nagiye mbona uwango wugurutse nza mbona...

Agace 2

Bukeye nabonye umwango wuguruka mbona tentine arinjiye aza azanye ibintu vyinshi vyo kurya natangajwe n umutima mwiza yariko aranyereka kuko yaramvugishije neza arankinisha arampa ndarya nakayabagu kenshi kuko nari nshonje cane mpejeje aca ambwira nje gukina na Sabrina aho namusanze muri salon ariko akina na Papa ndatangara ntangura kwibaza ivyo nari naraye mbonye.

Imisi yakomeje kugenda ariko Papa nabona yarahindutse ntiyavuga yaguma atwenga gusa kuburyo natanguye kwibaza ko yoba yarasaze.

Tentine yatanguye kuza arataha atevye rimwe ntanatahe ikindi igihe nkabona azananye nabandi bagabo bakararana Papa nawe akarara mucumba cabashitsi.

Umusi umwe natashe kumugoroba mvuye kwishure nshitse muhira nsaga harabadije namagufuri kwirembo ntangura kwibaza ivyarivyo.

Nahisemwo kurindirira kumwango mfise icizere ko haza kugera bakaza bakugurura niyumvisha ko araho boba bagiye.

Ariko ijoro ryarijimyeye gushika aho buri wese yinjira iwe urwacu atanuwurunyiganjije.

Naricaye negamira kumwango nisanga ndiko ndarira nti:

“Kuberiki ari jewe biriko birabako?

Kuberiki abandi bese bafise aho bataha ariko jewe nkaba ndaye kugahinga?

Kuberiki ubuzima bwanje busa naho atamahirwe namakeya aburangwamwo?

Ese amaherezo nayahe?..."

Nakomeje kwidoga imvura iragwa iranyagira ndicwa nimbeho ndajugumira kuburyo numva ko iryo joro ritaza guca.

Mu mwijima mwinshi nabonye umuco ntabona iyo uriko urava nza numva ijwi irimeze nkirya maman rivuga ngo:"Humura mwananje, niyo isi yakubera umuvumo we uzoyibere umugisha kuko uri amahirwe ikeneye, ntuzogire ico uyitegako ahubwo uzoreke yo igire ico ikwitegako, nimba uraye kugahinga nturaye mumva, uyu muco uri imbere yawe reka kikubere ikimenyetso ko naho bose boguta hazokwamaho inyenyeri yaremewe kukumurikira mugihe c'umwiza wumuzitanya, Elvis nturi we nyene nagato kandi urarinzwe eka si wewe we nyene ariko na mushikawe Sabrina..."

Numvise harikintu umenga kiramfutse nca numva ndasusuturutse kuburyo Naciye nsinzira nsubira gukanguka mbona bwakeye ndahaguruka numva atatuguvu mfise ariko ndagenda kwishure ninzara.

Ninjiye mwishure nicara inyuma aho abandi banyeshure baje na mwigisha araza atangura kwigisha ariko nsinzi ukuntu yandavye aca arampamagara nja imbere ati:" Elvis urabona ingene usa? Ntuzi ko kizira kuzanana umwanda kwishure? Ukeneye gutera ingwara abandi abana? Hinge nzane igiti ndakwereke!"

Yazanye inkoni arankubita ariko numva ataco bimbwiye bikaba vyaranamutera gushangashingwa bigatuma arushiriza kunkubita aca aranyirukana ambwira kuzogaruka nzanye umuvyeyi aho nasohotse nsezeye ishure ryagatandatu kuko atamuvyeyi nari nsigaranye wo kuzozana kumvugira.

Natanguye kwiyumvira iyo ndibwerekere ndahabura ariko kandi numva ko ntegezwe kugira aho ngiye maze mfata ibarabara ndagenda ntangura kwibaza nti:" Sabrina ubu yoba amerewe gute? Ubwo ntiyoba ari muvyago nawe ayamango? Mbe nzosubira kumubona? Icompa nkamenya ko ari muzima basi!"

Nashitse ahantu hari restaurant mbona umuhungu yari yicaye imbere yiwe harinrya yicurikiye nca ndagenda ndamubwira nti:" mpivyokurya ndashonje"

Yarandavye aca mbwira ati:" akira birye nubundi numva atakayabagu mfise vyananiye"

Nabigurukiyeko ndabirya mpejeje nca ndahaguruka ndagenda ariko nza numva aramfashe ukuboko aca ambwira ati:"ntunavuga merci?"

Jewe:" ntavyo narinzi ko bayivuga"

Nawe:"Mbe ko usa nabi kandi wambaye uniforme ukaba uri mwibarabara abandi abana bari mwishure aho ntiwananiranye ukiha ibarabara"

Numvise mbabaye naho nari mpaze nca ndamubwira nti:"wakoze kumpa ivyo kurya Imana ize iguhezagire"

Nca ndagenda kubwamahirwe ntiyasubiye kumfata.

Niriwe ndazunguruka igisagara bwira ngeze ahantu ku mashure aho nabonye ahantu hari imfuruka aba ariho nihengeka numvise ndushe.

Haheze akanya mbona haje ikigabo kirekire kinshikiriye kirakankama giti:" wee sha! Ngaho uriko uhakora iki?"

Nkangutswe n ubwoba bwinshi nca ndavunduruka niruka ariko kiba camfashe kera kiguma kinkankamira kuburyo nasubiye gutora Ubwenge mbona nryamyeye kukamatera nipfutse igikoti kinini camota nabi ndavye mbona rwarugabo runyicaye imbere ngomba nsubire kwiruka nza numva rumbwiye ruti:"nubundi ntuze kugerageza kuncika kuko ntavyo Uza gushobora"

Nca mpitamwo gutekereza nza mbona rumpaye ibijumbu bibiri vyokeje ndavyakira ariko ndatinya kubirya haheze akanya ruca rumbwira ruti:" ndabona udashonje bimpe ndavyirire"

Nca ndahimbura kimwe ntangura kukirya haheze akanya mbona rumpaye icupa rwari ruhejeje kunywako nanje ndanywa aho numvise aribintu bimeze ukuntu gusa uko nanywa niko numva umutwe umenetse n ubwoba burahera ntangura kurubwira ivyanje vyose gushika ntwawe nitiro.

Nasubiye kwumva rumvyura ruti:"vyuka tugende nimba utagomba gusubira kwirirwa urazunguruka igisagara!"

Jewe naza narumenyeye nti:"Kuberiki uteranye ubwoba ariko ukaba umeze neza?"

Narwo ruti:"Uretse ko kizira gucira urubanza ibigaragara, kwisi nta mwiza ariho, ukwiye kubaho uzi ko buri wese yiberaho atawubereyeho uwundi, uracari muto uzobibona"

Namubajije nti:"Ubu tugiye hé?"

Narwo:"Reka kubaza ikibazo vyinshi nimba ushaka kujana nanje"

Jewe:"Basi mbwira izina ryawe canke ukwo nza ndaguhamagara"

Rwaranyitegereje runtera ubwoba rurankankamira ariko kubera naza narumenyeye sinagize ubwoba cane ruca rumbaza ruti:"Ubona izina rimbereye ariryahe?"

Jewe nararwihweje nca nibuka ikigabo amahero twakunda kwiga muri religion nca ndakibwira nti:"Goliati"

Narwo ruti:" fata iryo nyene rero niwarimpamagara nzokwitaba nawe nzoguhamagara Dawidi"

Jewe:"ndarikunze kurusha Elvis"

Twakomeje kugenda aho twashitse kurupangu rumwe turinjira nca nsigara hanze haheze akanya Goliyati araza azanye ibikopo bibiri vyamarangi ati:" tora iki gishati wambare dutangure gusiga uru ruhome"

Ukwo nikwo natanguye gukora akazi ko gusiga amarangi kumyaka cumi mwijoro tukaza kurarira ishure riri hano.

Naratevye ndamenyera kuburyo ari ahantu horoshe yahampa nkahikorana wewe akaja gukora ahandi twese tugahurira kuri rya shure.

Twararonka amahera ariko twirira misi yose mwijoro ibijumbu vyokeje.

Amagorwa ntasiga ayandi umusi umwe nagiye numva...

Agace 3

Amagorwa ntasiga ayandi igihe kimwe numvise Goliyati ambwira ko umusonga yamaranye imisi umurembeje agiye kuruhukira ruguru iyavuka aca mbwira ati:" Ubu urakuze kumyaka cumi nibiri genda urondere ahantu upanga inzu ubu baza barakumenyeye uze ubandanyirize akazi ko gusiga amarangi aho nari ngejeje gusa uze ube umugabo, gukura simyaka nimumutwe, uze uharanire kuja imbere ivyo usize inyuma uze uvyihoze kugira ngo bitakubuza ku bandanya ngo ubure vyose ndetse nibiba arivyagaciro warabigenewe Imana izobishira kunzira yawe ubisange imbere, uze wirinde abantu, naho bokwereka ko bakwitayeho uze ushime uriko ntuvyiteho cane, ubuzima bumeze nkireresi uko ukina niwe uguhitamwo ariko ukwo uheza siwe uguhitamwo yamara muri vyose uze uharanire kuba umukinyi mwiza Imana ibishatse tuzosubira guhura"

Yaciye agenda ageze imbere aca arahindukira amanza andaba nisura iteye ubwoba hama aca aratwenga aca aragenda ryari iryambere ndamubonye atwenga kuburyo nibwiye ko ariyo mpano yiwe yanyuma ashatse kumpa numva ndababaye kubona dutandukanye na Goliyati nari nsigaye mfata nkumuvyeyi wanjye ariko kandi nkurikiza impanuro yampaye zo kwama mparanira kubandanya mubuzima ukwo vyogenda kwose.

Nasubiye kubona ko mubuzima ari jewe na jewe koko maze mbaho atawundi ndaba atari jewe.

Goliyati yanyigishije ko gutwenga arimpano itagenewe buri wese muhura maze naje niga kwereka amenyo yanje bake

ataruko nshavuye ariko aruko mpugiyeye mubuzima bwanje ata umwanya wo kuyanika mfise.

Nari mfise ibihumbi ijana nari naraziganije kuva ntanguye gukorana na Goliyati maze ndagenda ndonka aga chambrette nkota kubihumbi mirongwitatu nca ntanga avance yamezi atatu nsigarana ibihumbi cumi ntangura kwiyumvira ukuntu ndayakoresha kuko yari make cane atakintu nakimwe co munzu mfise.

Niko nicaye murako kumba kanje ntangura guteka imitwe yingene ndaharara haheze akanya nca ndasohoka hari murupangu rwabamwo abandi bantu nca mpura na nyene urupangu kubera twari twapatanye numugore wiwe aca araza arandamutsa ati:" Gute sha Musore?"

Jewe nti:" ni sawa n'impore namwe?"

Nawe : "Karibu ndabona uracari muto nizere ko tuzobana neza?"

Jewe:"Urakoze reka tuyizere"

Nawe: "Harikindi ikibazo ufise? Mbe harya ukora iki?"

Jewe:"ndasiga amarangi"

Aca aratangara cane ati:" Uzi ko Ubu nyene nariko ngenda kurondera uwuzosingira irya nzu iri mukuza kubamwo abageni?"

Ukwo nikwo nashitse ndonka ikiraka turinjira arayinyereka nsangamwo akamatera abahora bayibamwo batayemwo nca ndakamusaba akampa anezerewe nca ngenda isango arukukazindukiramwo.

Uwo musu nariye muri restaurant aho nasubiye kwibuka wamuhungu yigeze kumpi inya muri restaurant kuko niho naherukira kinyira muri restaurant.

Imisi yaragiye nkomeza kuza ndokora uturaka benshi bandonderera kubona ntabazimba kuko ayo bampa yose narayakorera aho hari namwe bangirira impuhwe bakanyongerera ayangana nayo twapatanye kubera baba nabonye ukuntu narushye.

Mumisi mkeyi akumba kanyere nari ngakwiyemwo ibikoreshe nkenerwa ndetse nutwo guteka.

Ntabagenzi nari mfise uretse ko aho twavugana bari abakiriya gusa nabo tukavugana ivyakazi.

Naratevye ndagura agaterefone kuko abakiriye banyidogera ko bibagora kumtanga kandi koko karamfashije cane kuko ibiraka vyarirwije cane kuburyo naronse amahera menshi cane mbura Nico ndayakoze nka niyumvira kuzoza kuramutsa Goliyati iwabo maze nibuka ko ntazi iyaba.

Nka mpanga kuzoza kubaza kuri ryashure twakorako ubuzamu ariko bambwira ko atakintu nakimwe kimuranga bazi kuko yakora atanahembwa ibintu vyatangaje.

Nka ndasohoka ntitse integere ariko umudirecteur wiryo shure yansavye gusiga inimeru ko nibagira icyo bamenya bazompamagara nka ndazisiga ndagenda icyo igihe nari nsigaye mfise imyaka cumi nitanu.

Numvise nkuko vyakunda kumbako nkakumbura Sabrina nsubiye kumukumbura nka mfata bus ngenda hamwe twahora tuba ariko nasanze haba abandi bantu bambwira ko bahaguze kuri Devota ndetse ko we yigiriye hanze.

Natanguye kwibaza nti:" kuki koko umuntu ashobora kumera nabi kugeza kururu rugero? None abayumva aryohewe canke ahagijwe no kubona hari abantu bagowe kubera we? Kuberiki umuntu ashobora kwumva yocinyiza uwundi akumva amahoro?

Gusa Buri kintu kugira intango kikagira nimpamvu ntawobimenya ariko ndashaka kumenya impamvu yateye Dévote kuduhemukira kirya kwose!"

Umusi umwe nari ndiko ndagenda munzira mbona inimeru impamagaye ntayizi mbangutsa kuyitaba kuko nibwira ko atankeka ari umukiriya.

Nshize kugutwi nakangutwe numvise ijwi rya...

Agace 4

Nakiye fone numvijwi ni Goliyati nyezina ndakangukwa ntangaye cane nti:" Goliyati?!?"

Nawe ati:" Dawidi uraho? Numvise ngo warandondeye?"

Jewe:"Cane nashaka kukubona ndakuyagire ingene nateye imbere kubwumwuga wanyigishije ndanagushimire nukuri"

Goliyati:" Ubu uhagaze?"

Namurangiye aho nari ndi aca ambwira ngo ndahagume mukanya gato natangajwe nokubona V8 iparitse impande yanje kubera ibiyo vyirabura sinabashije kubona abari indani ariko haheze akanya nabonye bimanuka mbona umugabo yambaye costume ari kuri volant ampamagaza ikiganza negereye ivyo nabonye sinavyemeje Ubwenge bwanje.

Vyari bigoye gutahura ko uwo nataziye Goliyati noshobora kumubona ariko itwaza v8, nawe nyene yarabibonye ko natangaye aca arakankama kumwe kwiwe nyene ati:"musore muto ushaka nururuke nze ndaguterure ndakwurize"

Naruriye ndicara ntanuko yanandamukije yarandavye ambaza ati:"Niki undonderera?"

Jewe:"nakikubwiye kuri téléphone ariko numva nshaka kukubaza ibibazo nyinshi?"

Nawe : "Sinakubujije sha kubaza ibibazo vyinshi? Bon ntaco reka tuv yihoze..."

Yatwaje imodoka ntazi iyo antwaye aparika ahantu kuruhande maze ambwira:"Dawidi ur'umunyamahirwe kuko nizera ko mubantu bazokwumva vyinshi kandi bakabona vyinshi urimwo, uze wame uteguye umutima buri igihe, nayo jewe si

naje kukubwira ubuzima bwanje kandi sinaje nokukubaza rwawe gusa ndanezerewe ko wateye imbere ubandanye sawa rero ubukurikira ntuzondondere kuko uzoze aho twahuriye ku musu wambere ariko ntuzoze uzanywe nubusa"

Yabikoroye umuryango ansaba kuvamwo maze nsigara numiwe nibaza ko ivyo mbonye canke numvise arukuri canke ndiko ndarota.

Nashitse muhira ninjiye murupango ntanganzwa no kubona wa muhungu yampa inrya muri restaurant yari yaravyibushye ariko naramuravye ndamumenya gusa we vyagaragaye ko atamenye kuko yaranciye ko atandamukije nca ndabandanya indani ninjira mukumba kanje nkirambije Numvise umuntu adodoye nibwira ko ari Nyenurupangu kuko ntawundi yari kuza kundaba.

Natangajwe no gusanga kumwango umudamu akiri muto afise isorori ati:"enfin ngiye nahagusanga"

Jewe ntangaye nti:"muri bande?"

Nawe:"Tumaze indwi twimukiye mwirya nzu"

Jewe:"anh nimwe bageni muherutse kuza muri runo rupangu?"

Nawe ati:"ego hubwo akira nari numvise twosangira ugafungura kuvyo twatetse nizere ko utagayira umugeni kandi utinuba ko noba nagushiriyemwo akantu?"

Jewe:"oya iryo kosa ntaryo nokora ahubwo urakoze cane bariko ndaganya ukuntu nteka ningene ndavyanka"

Nawe : "Yooo ntumbwire?! Nukuza urampemba canke naho nawe uzane umugore hhhh"

Yampaye agasorori maze ndinjira ndagafundurura nsanga harimwo umuceri wipilao nisasi y'inyama biryoshe kubi kuburyo nabiriye nkumva nuwari kunyongere incuro nyinshi ntari guhaga, niho naboneye ko nama nrya inrya zibishe.

Naraye nzi ikiraka buca nja gukora gahunda naraye nayipanze bukeye imbere yuko ngenda namanje nca kuraba wa mugeni ndamusubiza agasorori ngira amahirwe nsanga yavyutse yagerageje kumpa karibu ku cayi ndamwankira kuko nari ncerewe nca ndagenda.

Narashitse murupangu mbona ko arirwiza, maze ntangura gutunganya ibikoresho mvanga amarangi negeranya uburoso butandukanye nza gukoresha hamwe ningazi maze akazi ndagatangura.

Naraye mpejeje kuko kwarugusiga inyuma gusa mpejeje baca bandangira murugo ahantu hari irobinet ryo nkarabamwo ndahanga agakobwa k ariko karoza amasahani ndakitegereza nisanga nagumye ndakaraba kurya nyene uraba umuntu ukaca wibagira ko uriko uramuraba.

Kuburyo nasubiye kugarura ubwenge mbona katakihari ubanza kari kahejeje kwoza kaca karinjira maze nanje mpagarika kwiyumvira ntangura gukaraba kuko nari ncafuye cane nkura nurusarubeti nakoramwo.

Mpejeje nsinzi ukuntu naravye mwidirisha nsubira kubona kagakobwa nako kuriyi ncuro kariko karandaba nca ndasubira ndakaraba aho baza numva ijwi ry'umudamu ngo:"aloo, wahejeje ngo ndaguhembe?"

Naciye mpindukira ndamuraba nti:"ego nahejeje"

Aca asanga aho ndi aguma anyitegereza niyumvira impamvu ndayibura haheze akanya numva arambajije ati:"harya mbe witwa nde?"

Jewe:"Nitwa David Marangi"

Amazina yanje yukuri yari Mugabo Elvis ariko ntanumwe yarayazi kuko kuva mvuye iwacu goliyati yanyise Dawidi abakiriya nabo banyita amarangi ayo mazina yose nca ndayakira ndayagira rwanje.

Haheze akanya wamugore yasubiye kumbaza ati:"ayo niyo mazina yawe nukuri?"

Jewe:"Oya ayo nayakazi ariko ayo niswe nabari abavyeyi banje ni Mugabo Elvis"

Nakanzwe nikirahuri yarafise muminwe Numvise kimenekeye hasi mpejeje kuvuga nza mbona wa mugore ampaye amahera ati:" sawa genda"

Yaciye yinjira atanakimwe avuze nanje ntora ibikoresho vyanje ndataha ariko sinahengeshanya kwiyumvira buri kantu kabaye mururwo rupangu kuko nabona vyose bitangaje.

Uwo musu hari kumugoroba narashitse muhira ndoga bambara impuzu zari zimeshe numva ndambiwe kuguma munzu nca ndasohoka ndondera iyo nja aho nisanze ndi kukibuga ca Basket hariko hakinira abana babakobwa nanje nicara kudusima twari kumpera nguma ndabarorera nibwira nti:"ayamango iyo ubuzima butatwankira Sabrina nawe aba ariko akina nabandi!"

Natanguye kurodera muvyiyumviro vyanje ingene Sabrina yoba ariko arakina nanje ndamufana kuburyo nasanze ndiko ndatwenga nza numva...

Agace 5

Numvise umupira unguye mumutwe nca ndakanguka nza numva babakobwa bose batwengeye rimwe numva umwe aravuze ati:" ariko Princia urumwana mubi! Kandi uwumeteye nimpaka?"

Uwundi mukobwa atwenga cane:"nabonye aguma ndaba antwengera"

Numvise mbabaye gusa ndavyirengagiza na cane cane ko nzi ko ntariko ntwengera we ariko haheze akanya numva ndarambiwe ca ndahaguruka ndataha.

Ndi munzira numvise imirindi yabantu biruka mpindukiye mbona ni babakobwa bariko barakina banshikiye numvise umuntu ankubise ikofi mu mugongo ndavye ndabona ko ari wa mukobwa nyene yantera iballon baca barabandanya nasubiye kwivugana:"isi iratangaje koko! Umuntu arashobora kukwankira kuba uriho gusa kandi akumva atamahoro akugiranye ataco muhuriyeko!"

Ngeze imbere nasubiye gusanga wa mukobwa yicaye impande yibarabara ari wenyene ariko ararira ndamwitegereza ndamwihoza ndibandaniyiriza ariko ngeze imbere numva nosubira inyuma nkaraba ico abaye ndamushikiriye nsanga yakuye ibirato ariko araba ukuguru.

Ndakuraba nca ndabona ko yahinyagaye kuko ikirenge cari cahindukiye nca ndamufata ukuguru ndamubwira nti:"wihangane birahera aka nakantu gato ntaco wabaye injiza impwemu ndakwereke"

Yarinjije impwemu nanje nca ndakugorora kurakocoka ariko ikirenge gisubira mukibanza caco arakoma induru cane nca

ndamuhagurutsa abona birakunze ko atambuka ariko yarababara cane nca nguma ndamufashe tugenda anyifatikije.

Nakomeje kugenda ndamutwara atanumwe avugisha uwundi ariko natangajwe no gusanga ndamushikanye kuri rwa rupangu naheruka kuja gusigamwo irangi ndavyirengangiza mbonye yinjiye nca ndahindukira mfata ibarabara rinjana aho naba.

Ariko ngomba nshike hari imodoka naravye inyuma mbona umenga namye ndayibona kuva kare ndayihoza kuko nari nshitse ndinjira ntangura kuraba ibikoresho nkoresha ngo ndabe ico nteka ndare ndiye kugira ejo nzovyukane inguvu nubwo atakiraka nari mfise.

Nararavye nsanga ntamunyu mfise nca ntora amahera mwikoti nayabikamwo ndasohoka nja kuwurondera kwibotike.

Ariko nkisohotse nabonye abagabo babiri bansatira umwe aca amfata ukuboko uwundi anyereka intambi ikarishe cane ati:"ukazyora turagukerera ariko niwaruca ukarumira ushobora kuzopfa ejo"

Jewe nti:"nibiki? Nakoze iki? Munshakiriki?"

Yamfyondesheje ya ntambi munda kuburyo nagize ngo irantoboye aca avuga ati:" ku neza yawe atarindi jambo urengejeho Ingo tugende"

Umurundi niwe yavuze ngo hagupfa uno musu wopfa ejo nanje nabonye ataco ndi bukore gusa numva ubwoba ari bwose ntangura kwibaza ikintu nakoze kugira hagire uwushaka kunyaka ubuzima ndakibura kuko ntanumuntu nari bwariye avance ngo nsindamukorere kugira nibwire basi ko arumwe murabo ndamubura.

Twaragiye dushikira umuduga wa double cabine wibiyo vyirabura hari muma saa mbili kwibarabara nabako haca abantu benshi ariko nko mu gisagara icarico cose ntanumwe aba yitayeho uwundi nanje ntinya gukora ikosa ryotuma banyica kuko ukwo nababona abo bagabo basa naho atakinya nahikeyi bafise.

Dushitse mumodoka banyuriye kunguvu baca bampfuka ikintu mû mutwe numva imodoka iranduritse nasubiye kwumva ihagaze baranyururutsa banyinjiza ahantu ntashobora kubona ariko nshitse indani bankuyeko ca gihuzu mbona ndi mumwijima gusa basi ga banyugaraniye mucumba kitabona.

Nagerageje gukabakaba impande nzose nkumva nkoze kuruhome munyuma ndakora no kumwango numva urabadije nagerageje kunyiganza no gusunika nkumva uragumye cane.

Iryo joro naraye nkanuye buraca nibaza ikintu nacumuye kumana kugira hambeko ibintu nkivyo nkakibura.

Amasaha yakomeje kugenda nubwo ntamenya igihe ariko munyuma Naciye mbona urugi rwugurutse mbona hinjiye babagabo babiri bafise amatoroshi nindobo baca bamenako amazi yarakanye cane ari mwiyo ndobo uwundi mugabo nawe ntangura kumpondagura ingumu nimigere.

Nagerageje gukoma induru no gutabaza ariko vyasa naho atamuntu yanyumva.

Haheze akanya numvise ibirato bimeze nka haut talon bidoda biza bigana aho nari ndiko ndahonderwa nza numva ijwi ry'umugore riti:"nya gashenzi karacahema? Eeeh? Kuki kadapfa vraiment ?"

Yatoye itoroshi amurika mu maso ati:"kuberiki udashaka gupfa ngo usange so na nyoko?? Kuberiki uriko urankurikirana aho nja hose??"

Jewe nari numva ataninguvu zo kuvuga ngifise kuko nagerageje kuvuga numva impwemu ntazo nca mvuga nti:"mbabarira..."

Nawe ati:"sinababariye so sinababariye nyoko nawe sinzokubanarira ndetse nakarya gakatora ngo ni mushiki wawe nako nzobahamba mukinogo kimwe...urabona ngo uraza kwisigisha amarangi murugo rwanje naho uje kuneka ejo naho uza wiseguje umukobwa wanje?!! Ndakurahiye Jewe Devota ngiye gushira akaburungu ku misi yawe.."

Yavuze ukwo menya ko vyanka vyakunda ari Tentine Devota kuko nijwi Naciye ndaryibuka nca nibuka ibibi vyawe vyose mwico igihe sinababajwe na jewe ahubwo nagiriye impuhwe Sabrina nibaza icyo yamugize.

Yakomeje kuntukagura ambwira ko nzize amakosa yadata naho ntari nzi ayo ariyo.

Natanguye kwumva nanse icatumye mbaho uhereye ku Mana ukaja kuri Papa na Maman nti:" Gute Imana ishobora kwemera umuntu akavuka avukira kugorwa? Kuki inda yanje itakorotse?..."

Barasohotse basubira kunyugaranira aho hantu nsigara nryamyemubiziba numva nsa nuwafuye kuko no kwijindukiza sinari nkibishoboye gushika igihe nasubiye gukanguka mbona...

Agace 6

Nasubiye gutora ubwenge mbona Princia namenyeze izina kuri terrain y'a Basket bamuhamagara ahajeje kuntera umupira nkamusanga yahinyagaye munzira nkamutahana bikamviramwo guhamwa atakibi muri vyo nari ngambiriye kuriyo ncuro ndamusanga anyiseguje kubibero nabonye nkanuye numva avuze ngo:"Yoo Imana Ishimwe urakangutse"

Jewe nti:"aha ndi nihe?"

Nasubiye gusubiza ubwenge inyuma nibuka vyose nkiriko ndahiga utuguvu numva avuze ati:"umbabarire kubona ivyagushikiye ndabifisemwo uruhara, ejo numvise Maman avugira kuri Téléphone yuko agiye kwica umusore amaze imisi amuneka akaba ageze kumukobwa wiwe...narakangutswe nca mpegera agiye mbaza umuzamu andangira aho bagusize mbaje kumuha amahera menshi bari bampaye ngo nzogure téléphone, nabangutse ndaza ndagukurayo rero raba winanate wandare urondere iyo uhungira kuko Maman uko ndamuzi ntaco atokora"

Nisanze amosozi yakorotse ndaba Princia ukuntu yanyitangiye ariwe umuntu kuncuro yambere yangwanyije nibuka Devota yavyaye Princia nkabona ntaho bihuriye nca ndikuramwo agafyinyi ndahaguruka ngenda ndadandabagirana nti:"Princia Urakoze Imana izokumpezagirire"

Princia yaciye akorora amosozi ati:"mbwira izina ryawe jeha iryanje ndumva urizi"

Naravye kumubwira Elvis nibuka ubuheruka mbazwa izina ko narivuze bikamviramwo guhakwa kuhasiga ubuzima nubwo

nubundi ntarinzi ko ndi burusimbe nca ndamubwira nti:"David"

Naragiye ngeze imbere ndahindukira mbona aracandaba nca ndamutwengera kuko nizera ko ariryanyuma ndamuravye kandi KO nawe ariryanyuma andavye numva nimfuje kumusigira ishusho yanje nziza mu bwenge bwiwe kandi nazirikana ko cambu ca Goliyati agatwengo nimpano ikwiye kuronka uwuyikwiriye jewe rero Sinzi impamvu nari numva ko Princia yarayikwiriye.

Hari kumugoroba ijoro ritanguye kwijima aho nagenda atanguvu mfise ariko ngira amahirwe ndashika kuri ryashure twahurirako na Goliyati kandi no kuruwo musu ndahamusanga inyuma y'imyaka itari mike ndahasezeye ntabishaka.

Nubwo umubiri warubabaye ariko narumvise nryohewe kubona dusubiye guhurira muri bwa buzima maze asubira kumpa ibijumbu vyokeje nakagwa nanje ndabiryana inzara nyinshi kuko naherukira kirya igihe ntibuka ntarava muhira kuko si nari nibuka imisi namaze mfunzwe na Devota.

Natanguye kugira kumuriri Goliyati vyose nawe nkuko ata bishobisho yigera agira yambwiye ati:" musore muto uribuka dutandukana ko nakubwiye ko uhiriwe kuko uzobona wongere wumve vyinshi mubuzima? Nakubwiye ko ukwiye kwama uteguye umutima kuko ntuzokworoherwa namba ariko igikuru muri vyose nukubandanya, ndafise umuntu ari mubufaransa nemereye kurungikira abakozi, Akira ibi vyangombwa urare uteguye umutima nubwenge ejo uratangura urugendo ujabuke hakurya"

Narakangutswe numvise Goliyati ambwiye kuja mubufaransa nshaka kumubaza ibibazo vyinshi nibuka ko yabimbujije kuva

kera nca ndareka ndara ndigirisha inama niyumvira ku vyo yaramaze ku mbwira inyuma yumwanya munini niyumvira nsanga ntayandi mahitamwo nari mfise uretse guhunga Dévota nkazogaruka nje kwihora no kugaruza ivya data na Sabrina kuko narumva ko vyanka vyakunda ari muzima.

Igihe carageze buraca duhura nuwundi mugabo Goliyati aca aramumpa turajana aho naje kumenyeshwa ko tuzogenda mu bwato duce mwibahari indien aho twaciye itanzaniya.

Nashitse tanzaniye turangurura kwibahari aho twahahuriye nabandi basore benshi turi murugero rimwe rw'imyaka maze aho ahantu tuhirirwa umusi wose burateba butwirirako haragera mwijoro rikuze.

Mumasamunani zijoro niho haje ubwato butoyi ntanganzwa nukuntu twabwuriye twese kuburyo ntaretse kwibaza ko buhava butwibika naburya ntarinzi kwoga ariko nibwira nti:"nubundi gupfa no kubaho ni kimwe"

Harageze ubwato buranduruka tugenda twicaranyeko nubwo ntari nizeye neza ko tuzoshikayo mfatiye kukuntu twari benshi mubwato ndetse twicaye kubisangu bisa nibipakiye ibintu biremereye.

Twaragiye tuja kure y'inkombe hari mwijoro sinabona iyo turiko turaja nabona duhagatijwe namazi benshi gusa nkumva ubwoba bwinshi ntangura kwicuza nti:"Kuberiki nemeye kuza gupfira mwibahari koko? Nari gutuma nicwa na Devota nkapfira hamwe na Sabrina mwenedata.."

Hari umuhungu yari yicaye iruhande yanje nagiye numva avuga ati:"Bonjuru vous va bien?"

Narahindukiye mbona ariko arandaba aca aratwenga ati:" Hahaha rega man nukuba turimenyereza kuvuga igifaransa ntituzokemeke"

Jewe nti:"nigiki gituma wumva ko ari ngomba ko ushikayo ukiri muzima?"

Nawe ati:" Vous sais comment je me nom?.... Banyita immortel bisigura ko nduwudapfa...."

Nakomeje kumwitegereza numva arabandanije ati:" erega nta blaguesentiment zirimwo ngaho reka ndakugire kumuriri kwanza nabwiwe ko ntonkejwe nuwamvyaye kuko jewe v narakorowe nuwari kumvyara kuko atanyipfuza ahitamwo kunywa ibinini vyagomba kunyicira munda ariko ntivyavamuhiriye kuko ico atarazi nuko kuva nkiri urusoro nari immortel ahahaaaa ahari agire iruhuko ryiza...kumyaka itanu mmaze kuba igitwengerabarozi nubu ariko nshaje mpfuye hmm nako mbaye nagiye gutinga ipilao kwilayidi ngira amahigwe ndayironka ku bwinshi ndayivye aho yarinyegeje ariko ukwo yari nyinshi niko yaripikiyemwo isumu ritari ryagenewe jewe isogi zanje zose ziratatangika ariki immortel bamwuguruye inda yose indugwe ibitabazi nimishishito bashira kuruhande insogi barakurayo barata basubira kwugara mpaguruka niruka kumuvuduko udasanzwe kuko nari numva mpwahuse hahahaha nakubwiye mon ami aha uriko uramenyana na immortel urahiriwe ndashobora kukwandukiza kuko mfise umutima mwiza ariko sindaheza kandanda nejo bundi camion yanciye hejuru yose mpaguruka nikunkumura abantu bakoma amashi kuko bari nabonye igitangaza immortel..."

Akiriko aravuga yongera yitwenga twumva...

Agace 7

Twagiye twumva umuyaga mwinshi nimvura idasanzwe bitanguye ubwato butangura kunyiganga cane aho wa muhungu yakomeje kuvuga atwenga cane:"aho bose barapfa harokora ba immortel gusa"

Vyabandanije bikomera kuburyo amazi yakomeje kuja mubwato butangura kwibira bukebuke kuburyo abo twari kumwe bose batanguye gukoma induru ngo:"Turapfuye!!! Mana dutabare!"

Aho narindi narabona ko gukoma induru ataco bokemura ndetse no kwambaza Imana itigeze inserukako n'a rimwe numva ntibigira insiguro aho nagiye mbona haza ibigabo vyinguvu bidushikiriye butangura guterura bamwe mubahungu twari kumwe bibaterera mwibahari aho bigenda barakoma induru nkabitegereza ingene basoma nturi ndindiriye ko nanje nshikirwa nitegurira urundindiriye.

Batereye mumazi hafi igice cabahungu twari kumwe banshikiriye baranterura banyegeza kumpera y'ubwato butangura guharura "mmoja...mbili...ta.."

Ariko bataranuga numvise hari uwuhamagaye hirya baca barahindukira bansiga aho baragenda hahera akanya batagarutse nca nsubira hamwe nari nicaye wa umuhungu abandanya ya majambo yiwe adahera ndamwihoza.

Bwarakeye bwongera burira bwongera buraca tukigenda aho natevye nkaheba guharura kuko nabona imisi tumaze mubwato ari myinshi.

Ndibuka ijoro rimwe twaragiye tuza twumva ikintu gikubise ubwato ninguvu burahengama hafi kwubama kuko

twarahurudutse twese dusekanira kuruhande bwahengamiye ko haheze akanya tuza kubona igifi amahero kiraduze gica hejuru y'ubwato kigwa hiry aho nakiravye casamye mbona amenyo yaco menshi cane antera ubwoba.

Babagabo baragarutse ntangura kwiyumvira ko baje kunjugunya mumazi ngira ubwoba nti: "akanje karaheze" mbona bakuye udukoho dutoya bari bambariye kumapantalon batangura kurasa nya gifi ariko vyagaragara ko amasasu yari mato cane kuko nta nuko canyiganga ahubwo vyagiteye amakari nza numva umwe mubo twari kumwe ati:" ico kije gutora ikimazi caco ngaho batagihaye umuntu kirya twese turahonera ngaha je narabaye umurovyi ndazi ibibera mukiyaga"

Sinzi ukuntu babagabo bavyumvise baba baraje batora wamuhungu yiyita immortel baramujana ariko numva umutima uranyanse nibutse ingene yarashuhiye mubufaransa nca ndagenda ndababwira bateyo jewe nabo ntibavuga menshi nabonye barekura immortel ancako azunza umutwe aca ambwira ati:"ubikoreye iki koko?"

Sinamwishuye babagabo bamfashe kandi ariko bataraharura numvise urusoro rwinkoho ruvuze nza mbona umugabo umwe muri namwe n'agira bante mukanwa kurufi aguye basi ndavye mbona isasu ryamufashe murubavu ameze nkuwapfuye haca hadushikira uwundi mugaba yari y'a mbaye inkofera ndamwitegereje neza yari wawundi Goliyati yampa tukazanana kubwato maze ashika akankama ati:" murafyina mukarenza! uyu muhungu wa mutama niwe mubonye mwotangako ikimazi? Mbe amumbajije nari kuzokwishura ngo yabaye iki?"

Ubwo bateruye umwe yari yarashwe banuga mukiyaga kandi koko rwarufi rwaduhaye amahoro turabandanya aho natangajwe nagacerere ka immortel kuko ntiyasubiye kumvugisha nibaza ko yari yarushe.

Igihe carageze dushikira inkombe aho ntashoboye kumenya ko twoba dushitse mubufaransa gusa nabonye batwurutsa batwuriza iki remorque twese twigirwa amaja imbere maze baca bapakira ihandi ibikarato vyinshi ahari hasigaye gushika kumuryango twahawe itegeko ryo kugenda duhoze twese.

Ikimodoka caratse tugira urugendo rutari ruto gusa ahantu twari turi bamwe batanguye kubura impwemu kumvo zakabanza twarimwo kari kugaye impande zose aho numvise immortel avuga buhoro ambwira ati:"Akira aka kabangiri niwagira amahirwe ugashika mubufaransa ukaronka ubuzima ugasubira iwacu uzononderere uwari kumbera Papa ukamumpere nagahawe nuwandeze ntaraja mwibarabara yambwiye ko yakambuye Maman amaze kwitaba Imana kanditseko izina ryuwatewe isoni nikwitwa Papa immortel"

Yaciye atwenga adashikana aca arasinzira.

Nagerageje kumukangura ariko biranka numva agahinda karanyeguye amosozi aratembera ntangura kwibuka inkuru zose yagenda aranterera mubwato niyumvira kubuzima bwiwe nsanga ibibazo yagize yarabindusha menya ko mubuzima iyo dutewe nibibazo twibaza ko aritwe twe nyene Imana yanka ariko iyo tugendagenze tukarabisha amaso abandi ndetse tukumva inkuru zabaye kuba ndi rimwe na rimwe turasanga ibibazo vyiwacu arivyana ugereraniye nivyabandi.

Nize ku mutima wa immortel ingene inyuma yibibazo vyose yagize yabasha gutwenga akavugisha abandi ndetse

akanabasangiza inkuru y'ubuzima bwiwe ivyo je ntabasha nsanga yari intwari menya ko ubutwari atari ugupfira abandi gusa ariko ari ukwemera kubaho kandi ugaragara nkuwapfuye ugahakana kwakira ukuri isi iba igerageza kukwereka maze ukishiramwo ko uriho.

Nafashe immortel ndamuryamika neza maze nanje numva inguvu ziriko zirahera maze ndamuryama iruhande nasubiye gukanguka nisanga ahantu mucumba ciza nambaye izindi mpuzu nziza nkiriko ndaraba nzambona hinjiye umuzungukazi ashika ambwira:"salut, je suis l'infirmière Yvonne c'est moi qui suis chargée de surveiller ton état de santé, comment tu te sens?"(Ndakuramukije, ndi muganga Yvonne nijewe njejwe kuraba amagara yawe ingene ameze, wumva umeze gute?)

Nize gushika muwagatandatu ariko nagize amahirwe niga kumashure yarateye imbere kuko yigako abana babakire kandi ukuntu batwigisha washika muwagatandatu uzi kuvuga igifaransa neza bikaba vyaranfashije kwumvikana na Yvonne ariko nibutse immortel numva nshaka kumenya amakuru yiwe ariko mbura uwuyampa Hama nsaba banyereke aho bashize impuzu nari n'a mbye kuko numva nimiburiburi nshaka kuzogumana kakabangiri yampa nkazomukorera ivyo yansavye imbere yuko yitaba Imana.

Vyaragoranye kugira ndagatore kuko vyansavye kuja gusakambura mumayarara ariko kubwamahirwe ndagatora nca ndakabika.

Namaze umusi murico cumba ntemerewe gusohoka kuko atavyangombwa nari mfise aho narabira mwidirisha nkabona hanze abazungu gusa rimwe rimwe nkabona umwirabure.

Bukeye bwaho umuryango warugutse mbona Yvonne yinjiranye nuwundi mugabo yirabura aho yashitse andamutsa ariko ntangazwa no kwumva avuga ikirundi numva biranryoheye kuko sinaziga ko aho mwako gahinga kabazungu gusa nohatora umuntu avuga ikirundi.

Yampaye ukuboko ati:"bite sha uri tayali utangure akazi?"

Jewe nari numva meze neza cane kandi ndambiwe kuba murico cumba sinatevye kumubwira ko ndi tayali kurusha ukwo nigeze aca ambwira:"nagize amahirwe nasanze uzi n igifaransa rero itegure mukanya ndakurungikira uwuza kugutora akujane akwereke nakazi uzokora"

Numva mfise amatsiko ukamenga nosimbisha umwanya kugira menya akazi ngiye gukora ariko nisanga atabundi buryo uretse kwicara nkarindira.

Ku mugoroba nabonye hinjira uwundi musore wumwirabure anduta afise amadredi mumutwe ashika ampa censi aca amvugisha mugifaransa amenyesha ko ariwe agiyé kunyereka akazi tugiye gukora.

Ndamubaza mugifaransa nti:" tugiye gukora akazi ka gute none?"

Nawe:"Nitwa Eric"

Jewe:"Jeho ni Dawidi"

Nawe:"Dawidi Niki?"

Nasanze narivuze mukirundi nca ndarivuga mugifaransa nti:"David"

Nawe ati:"anh ni sawa rero akazi tugiye gukora ntugire ngo karoroshe ariko kandi ntikagoye kuko ntanguvu gasaba ariko gasaba umutima urinda."

Natanguye kwumva akantu kakoba ariko ndikomeza turagenda nza mbona dushitse ahantu hari...

Agace 8

Nabonye dushika ahantu hasa nahari ibitaro gusa bitoyi maze turinjira gusa nabonamwo abakobwa naba Maman bafise inda ntangura kwibwira ko ari maternité nibaza nti:"none nje gukora akazi ko kuvyaza? Canke wosanga nzokora akazi ko gukoropa kuko ntakindi mbona noshobora ngaha."

Nirinze kubaza ibibazo vyinshi nkuko nari narabigize umugenzo maze tu bandanya muri corridor ndende gushika dushitse kumuryango umwe turashika turinjira Eric mbona akoze mukabati akurayo ibihuzu vyari bimeze ukuntu aca ambwira ati:"David wasomye twinjiye kirya capa canditseko 'Éviter les grossesses non désirées' nukuvuga aha hakorerwa akazi ko gukorora inda ziba zasamwe zitipfujwe twe nawe akazi kacu nako gutegura no gukoresha imachine zirimwo acide zo kuzimanganirizamwo ibisigarira vyinda zakorowe nibaze ko utagira ikinya kuko nakubwiye ko bisaba gukomeza umutima"

Maze kubwirwa akazi ngiyo gukora numvise ncitse intege ndababara ntangura kwibuka isura zabakobwa nabamaman bibungenze nacyeko ndiko ndinjira ntangura kwitegura ni bwira nti:"aha nyene ngiye gutangura kwica turya duhinja turiko turakinira munda zabavyeyi batabakeneye? Sha ntituzi ko dusigaje amasaha makeye tugapfa tutavutse? Isi nta mpuhwe koko nico gituma ataciza umuntu akwiye kuyitegako"

Nambaye vyabisarubeti vyera vyapfuka umubiri wose gushika kumutwe namba ama gants iingamiya amarori manini abonerana nagafukamunwa maze yugurura uwundi muryango turinjira aho harimwo ibimachini vyinshi namatara yatsa umuco muke hakaba harimwo akadirisha nabona kugurutse

bagacishamwo ibishashe vyirabura atagukekeranya vyarimwo utwo duhinja baba bahejeje gukuramwo.

Eric yatanguye kunyereka ingene bategura acide yo kuyongerezamwo ibidechets vyose vyaba vyavuye mubitereko.

Maze ntangura kumenya bike aho muntango namufasha ibishoboka maze nkarara amajoro ntasinziye kuko napfa gupfunga amaso nkabona udusura twutuyoya naba niriwe ndasuka muri acide nkumva ikintu kincumita mumutima gufungura kwokwo akayabagu sinari nkigira ndibuka ko umusi umwe naguye isari ndiko ndakora kubera nari maze imisi itatu ataco nkoza mu kanwa.

Natanguye kwumva nanse abagore nanka abakobwa kuko nabonye ko arabantu batagira umutima kuko sinatahura ukuntu bica umwana winzirakarengane atakosa narimwe yakoze mukubaho kwiwe akazira kuba atipfujwe nuwomuvyaye gusa.

Maze kumenyera akazi twaciye dutangura gukabukanya na Eric umwe agakora umurango uwundi ijoro.

Inyuma yukwezi natangajwe namahera baduhemvye muma euros nagerageje kuyashira mumarundi nsanga umurundi ahembwa neza yoyakorera umwaka wose uwuhembwa nabi wewe nibaza ko yoyakorera n'imyaka cumi irenga.

Natanguye kwibona ngarutse muburundi mfise amahera adasanze maze ndabigira indoto hama niyumvira ukuntu nahora mbona abantu bavuye hanze bazana amahera menshi nkibaza ngo bayaronka vyoroshe ariko ntawuba azi inzira bayaronkamwo.

Ndi mugihugu iwacu akazi nakoreye mumahanga ntako nari gukora ariko kubera nisanze atayandi mahitamwo mfise ndagakora.

Ukwo imisi yagenda niko nakira imico yabafaransa kuburyo hageze aho ndabamenyera ntangura kuganira nabo mbere vyinshi muvyangenga ndabihindura ntangura gutwenga no kuja ahabandi bari ariko ivyo vyose wari nkumwambaro nambara kugira ngaragare mubandi bitandimwo maze ntahura ko ibigaragara vyose bitagaragaza ukuri kw'umuntu.

Nabonye vyinshi mumahanga bimwe narateba kuvyakiza ubwenge bwanje ibindi narinze mvayo bintangaza aho nabona abagabo babirana abagore basezerana kubana ndetse nkabona nabahitamwo kubana nibikoko nkimbwa canke utuyabu namenye neza ko ico utarabona ucerekwa no kuramba koko.

Inyuma y'imyaka cumi nari nsigaye mfise amahera menshi kuburyo naciye ndayakoresha mukuronka ivyangombwa kuko ico igihe cose nari mbayeho ku vyangombwa vya magendu.

Niho numvise ko igihe co gutahuka kigeze maze nsezera abagenzi nari maze kuronka mubufaransa baramperekeza nurira indege ku ncuro yambere nezererwa nukwo ntashe.

Nariyumvamwo ko nje murugamba nubwo ntarizi ibigwanisho nzorurwanishamwo canke uburyo nzorurwanamwo.

Igihe namaze mundege nasubije amaso inyuma ndaba iyo navuye naho ngeze nibuka Maman nibuka Papa nibuka Sabrina Tentine Devota we yari indoto yanje mbi ntashaka no kurota, maze nibuka Goliyati umuntu namenye ariko kandi bisa naho ntamumenye kuko nabonye ba Goliyati babiri batandukanye binanira kubahuza ariko ndavuga nti "umwanya niwo uzompa inyishu", nibuka mugeni yampaye umuceri ninyama biryoshe

ntamuzi ndavuga nti:"kwisi hari abantu n'abandi" nibuka Princia nazize ataco ndamuronderako ariko kandi ankiza amaboko y'a nyina yahiga gushira akaburungu kubuzima bwanje ariko we ashirako agakwabu maze ubuzima bufata iyindi ntera uno musu nkaba ndi uwundi ntahura ko ikitakwishe kigukomeza kandi ushobora gutera umugere igikere uzi ngo uracishe ariko ugasanga ucigije imbere, nibutse immortel numva ngize intuntu mu mutima nibaza nti:"niyihe nsiguro umuntu yoha ubuzima bwiwe? Nigiki catumye abaho? "

Nahagaritse kwibaza ibibazo ntafitiye inyishu gusa nsanga ubuzima bwanje gushika kumyaka 25 nahuye navyinshi mpura n'a benshi, natakaje vyinshi ariko igihe narumva ko kigeze nkaharanira agateka ka data na mama ndetse na mushiki wanjye Sabrina.

Igihe carageze ndururuka kukibuga c'indege ca Bujumbura nitegereza abandi ingene baje gutegerwa nababo banezerewe ariko jewe nasa nuwutagaragara ivyaho ndavyihoza niyambarira amarori yanje yizuba maze ndagenda nurira Taxis yategerwa kunjana mwihoteli nategerwa gushikiramwo.

Taximan niwe yampitiyemwo hoteli nziza yarigereweho kuko niyo yashikiramwo benshi bavuye hanze aho numvise we abita aba come from.

Narashitse mfata icumba ndashikiramwo ivyanje nanje nicara kugitanda mbona kuba cofre hariko tablette yakije kukiyo hariko ibintu umukiriya ari mwihoteli ashobora gukorerwa aho natangajwe n'abantu nabonye ko ushobora no gucommenda umukobwa akagusanga niho natangura kuraba amashusho yabakobwa nabona koko ari beza cane nkomeza kunyereza

ndaba kugira umwanya ube urahera ariko harifoto nashikiriye

...

Agace 9

Nashikiriye ifoto y'umukobwa nisanga namaze umwanya muremure ndiko ndayiraba binanira no ku bandanya ngo ndabe izindi aho naravye hepfo mbona ahanditse ngo 'demande' mfyondako haheze akanya mbona urugi rurugurutse hinjiye umukobwa asa neza numwe nyene nariko ndaraba mwitablette ashika avuga ati:"ndihano kugira ndabakorere ico mwipfuza cose ntabwo muza kwicuza"

Naramwitegereje cane mbura ico mvuga nawe nyene atangura kwiraba aca avuga ati:"harico mutashimye ndagihindure canke ndabahamagarire uwundi?"

Acamera nkuwusohotse ariko nca ndamubwira nti : "oya gumira ngaha ahubwo Ingo wicare ngaha kugitanda"

Yaricaye nca nkora mumufuko nkuramungondo yanje ama euro ijana ndayamuha nti:"je nsishaka gukora ikintu nakimwe nawe ariko nshaka umbwire igituma wahisemwo gukora akazi nkaka mubuzi bwose bwari buhari?"

Nawe ati:"Patron ariko ukwo nukwinjira muri vie privée yanje?"

Jewe:"harya namwe murafise vie privée? Oya mbwira wanashaka ndaguha amahera yose ushaka kuko urinze wemera kuryamana nuwo muhuye wese kubera amahera ndibaza ntaco uba usigaje gukora kubwayo rero nyagira nanje ndaguhemba ndagusavye icoroshe"

Nabonye atangura gukorora amosozi ariko sinashoboye kumugirira impuhwe kuko narumva neza ko atazo akwiriye ndamureka aririza hama haheze akanya ati:"ariko ubundi ndarizwa niki ko atasoni ngira hhhh?"

Yaratwenze aca arihanagura atangura ,ati:"maze kwisanga nsigaye kwisi jenyene nkagati kirebanga mukiyaga atawe guhanga maso nirukanywe nuwavukana nuwari mama kuko nari nanse kuryamana nabagabo yari yazanye muhira nafashwe kunguvu nabahungu batatu mwiryo joro aho natoye ubwenge ndi kubitaro abaganga bakora ivyo bashoboye bankingira inda ntipfuzwa numugera igihe kiragera biba ngombwa ko nsezerwa ku bitaro. Sinari mfise iyo nerekeza naravye gusubira kwiha ibarabara nibuka ivyambayeko mwijoro riheze mpitamwo gusubira aho nari nirukanywe ngenda nemeye ivyo yari yansavye kuko ntaco nari nkicanze ntabusugi nari nkiramira. Ku myaka cumi nitanu naryamanye nabagabo bimyaka mirongwitanu niyirenga kugira nshobore kubana nuwo mugore yarantunze akangaburira inyuma y igihe yanjanye kwihoteri imwe aho yambwiye ko nzoronka amahera menshi. Ukwo niko natanguye uyu mwuga si ndiko ndisigura kuko nubwo kuwutangura ntabihisemwo ariko kuwubandanya narabihisemwo kuko ntamashure nize ngo ndonke diplôme nkore akazi keza nkabandi bakobwa ariko ko washatse ko ndakubwira impamvu ituma narahisemwo aka kazi ndabikubwiye"

Naramwitegereje numva koko ndamugiriye impuhwe nubwo ntari ndamuzi nsanga koko namuciriye urubanza ntamwumvirije nibwira ko yiriza kandi yarafise impamvu yo kurira menya ko kwisi umwe wese afise urugendo rwiwe kandi ahangana ukwiwe nca ndamubwira ati:"wihangane umbabarire numva nshaka kugufasha ugende wiyumvire ikindi kintu wokora nimba ari urudandaza nimba ariki ariko uhebe uyumwuga je ndakwemereye kugufasha niwemera gusezera uyu mwuga"

Yarasohotse nanje nsigara mwico cumba mpanga gahunda izokurikira ejo aho bukeye nagiye ngura imodoka yo kwiyinguruza hama ndondera ahantu ho kuba biranyorohera kuko mu gisagara ca Bujumbura abantu bose nasanze arabacommissionnaire gusa natangajwe no gusanga inzu imwe muzo bandangiye harimwo niyahoze arirwacu nza kumenya ko nyeneyo ashaka kuyidandaza numva ngiza amatsiko nca mpitamwo kumurondera tukavugana.

Bampaye inimeru yiwe ndamuhamagara numva nsindamuturaho haheze akanya mbona numéro yindi impamagaye nca nditabaza numva nijwi ry'umukobwa ntashoboye kumenya ariko ambwira ko ariwe tuzovugana kuri yanzu yacu twanyazwe nagira ngure.

Ku mugoroba nagiye kuri gahunda yiwe duhurira aho yari yambwiye ndamusanga yashitse kuko yari yangenekereje ukwo y'abaye naho yicaye.

Nashitse nkweha agatebe aca arunamuka aho yarasamariye mwiterefone maze arandamutsa ampa karibu dutangura kuvugana ariko ukwo twavugana naguma numva umenga ndamuzi haheze akanya aca aranyibwira izina ati:"Pardon twagumye tuvugana twibagira kwidondorana jewe Nitwa Princia"

Yavuze Princia nca ndamubona direct muri yashusho yanyuma namubonamwo nubwo yari yarakuze ariko ntiyahindutse cane nca nisanga navuze nti:"Nooon ce n'est pas possible! Dis-moi que je rêve ! "

Atangaye ati:"hm qu'est-ce que tu racontes?"

Jewe nti:"Oya reka mbanze ndakurabe neza sha Yewegayeweeeee uzi ko utigeze uhinduka koko?"

Nararyohewe binanira kwihagararako nawe nyene mbona aramwenyuye atangura kumbaza ati:"ndagusavye umbwire nimba tuzinanye canke twariganye nko muri primaire kuko sindakwibuka pee nubwo naje isura yawe umenga iranca mumutwe"

Jewe nti:"ni jewe David warokoye maman wawe agira anyice"

Nabonye ahaguruka bukwi na bukwi ati:"saaa? Dawidi marangi? Jesuuuussss"

Yanyitereyeko angwa munda kuburyo twisanze twese amosozi ariko arakoroka ngira ibishobisho ntari narigeze ngira mubuzima naje nditangaza kuburyo Princia kumurekura vyambereye ikibazo.

Ariko nkuko vyamye hambere hose akaryoshe ntigahora mwitama igihe carageze turarekurana ariko nguma ndamufashe mubiganza tuguma turabana nza numva avuze ati:"nubu sindemera ko nakubonye mfise ubwoba ko mpava nsanga ari za nzosi namanye kuva kera kuko iteka namye ndota twasubiye guhura ariko ako arivyipfuzo vyanje vyatuma nguma ndakubona mu ndoto nukuri mbwira ko ntariko ndarota?"

Jewe namugumije cane intoki ziwe zari zoroshe nti:"ndakuraba nkibuka wa mupira wantera unziza gutwenga naryakofi wankubita sha Kuberiki wanyanka kueli? Nizere ko irya nzigo wayigabanije?"

Princia yaratwenze ati:"ndakwingize reka gutuma amosozi aguma atemba kumatama yanje abantu bariko barandaba"

Jewe:"yareke atembe kuko binyibutsa igihe nagusanga wahinyagaye uriko urarira amosozi yatemba ukwo nyene ndabona nubu uracafyina nkakera hhhh"

Nagiye numva ankubita amakofi yandi mumugongo biba ngombwa ko ndamwiyegereza aca anryama mugituza aguma avuga ati:"David..."

Ataraheza nagiye numva ikintu kinkubise mumugongo ngo:"Paaaa"...

Agace 10

Numvise ibintu kinkubise mumugongo ndababara gose nca mpindukirana umujinya nza mbona agahungu kari gafise ikibaho muminwe binanira kwihangana ndagatora mwizosi ndakaduza ndakajugunya kagwa mwikanivo ngira ndagasangeyo ndafyondereyo numva Princia aramfashe anyinginga ati:"David please mubabarire ni boyfriend wanje nibaza ko yampfuhiye"

Abantu baramfashe ndabiyaka nca ngenda nurira imodoka ndandurutsa ngenda numva ishavu nibaza ko iyo mwuwo mwanya duhurira mu nzira nari guhava nkora ibara nkagaca hejuru.

Haheze akanya ishavu ryaragabanutse nsubiza ubwenge kugihe nibuka ingene namujugunye nca nsanga aka gym nagiriye muri france karatumye ngira inguvu zidasanzwe naho nagenda rimwe mu ndwi.

Nasubiye kwibuka Princia nibura nryoherwa ko nasubiye kumubona ariko kandi nibuka ko tutanavuganye icari caduhuje ariko navuze nti:"nejo numusi"

Nca nsubira kwihoteri nashitseyo ndushe nca nicara kugacontoir kari kari kuri entrée naka icupa rimwe numva nshaka kwiha pole aho naciye numva umuntu ankoze kumugongo ndababara cane nca ndaniha mpindukiye nsanga ni wa umukobwa yakora mwihoteri umwe nemerera gufasha abonye ukuntu ngaragaje ko mbabaye aca ambaza ati:"Niki wabaye?"

Jewe:"sigaho sha nakanywarumogi kansariyeko none numva bwabundi umugongo kawuvunye kanyakuvunumuheto"

Uwo mukobwa natangajwe nukuntu yanyitayeho anjana mucumba canje aca arasohoka haheze akanya mbona agarukanye akabassin Karimwo amazi ashushe nakantu kameze nkagasume maze anyambura ishati nisengle nari nambaye atangura kunkanda numva ndiko ndoroherwa.

Nca ndamubaza nti:" mbega wahejeje kwiyumvira kuri bimwe twaganira nijoro?"

Nawe:"niyumviriye alimentation kandi nanaronse nikibanza muri ville namye kubaza bambwira ko abahora bahakorera bagiye gukorera muri quartier."

Jewe:"très bien courage cane ejo tuzojana kuharaba hama dutangure kurangure urare uvyanditse vyose kugira ejo tuzokivane munzira kuko naronse inzu nsigaje kuvugana nanyeneyo kandi nkeneye kuca nja kuyibamwo ninaheza gusinyiranira nuwigize nyeneyo nako reka ndeke kukugora."

Nibutse amajambo nabwiwe munzosi nagiriye kuri portail yahahoze ari muhira igihe ndara ndahanyagirirwa yagira ati:

"Humura mwananje, niyo isi yakubera umuvumo we uzoyibere umugisha kuko uri amahirwe ikeneye, ntuzogire ico uyitegako ahubwo uzoreke yo igire ico ikwitegako, nimba uraye kugahinga nturaye mumva, uyu muco uri imbere yawe reka kikubere ikimenyetso ko naho bese boguta hazokwamaho inyenyeri yaremewe kukumurikira mugihe c'umwiza wumuzitanya, Elvis nturi we nyene nagato kandi urarinzwe eka si wewe we nyene ariko na mushikawe Sabrina..."

Maze ndibwira nti:"ntakeka urya warumuzimu wa maman wambwiye aya majambo kandi koko ivyo yambwiye vyarivyo! Ndashima ko hari uwo ngiye kugirira neza kumbure

noba yamahirwe nabwirwa isi ikeneye, kandi nizere ko na Sabrina ahari arinzwe igihe nicagera tuzobonana...!"

Natwawe nagatiro nkanguka mwijoro hagati nsanze naryamye mumirambizo ndihindukiza ngo nryame neza ariko numva akayaga munda karahita kuko nari naraye ntariye naheruka icayi co mugatondo nca ntora terefone yo mucumba mpamagara numéro yihoteri kugira ngire commande ariko mbura uwitaba nca ndambara ndamanuka kurondera abakozi.

Ndiko ndagenda muri corridor nasanze wa umukobwa yicaye kungazi we nyene ariko arivugana atambonye mbandanya ndamwegera numva avuze ngo:"ndagushimiye kungiriye ubuntu ukarungika umumalayika wawe kugira ambohoze muri buno buzima nari mbohewemwo ubu nanje ngiye kuba umuntu muzima nzogendaniteka nibanga nzotera iteka abavyeyi banje aho bari mw'ijuru na musazanje aho ari hose nimba akiri mwisi y'abazima, Mana abarundi barayamaze ngo uwubaye mwiza aba muzima none ko wambereye mwiza ukandungikira uyu mumalayika uze imbere muzima umpe umugabo ankundana kahise kanje nibikomere vyanje vyose hama nze nubake ndonke nabana kandi uze umpe kubarera ndabahe urukundo ntahawe Jewe baze bashike muzabukuru bishimye uze ubarinde imiruhho yisi kuko iyo nacyemwo iramaze nizera ko narishe ikiguzi gikwiriye...!"

Ndamuri inyuma nanse kumukoma ntangura kwibaza nti:"bigenda gute ngo abantu bizere Imana vraiment?"

Nza mbona arahindukiye ambonye arakangukwa aca arahaguruka namasoni vyagaragara ko yanyubaha ariko canicare iruhande yaho yari yicaye ndamubwira nti:"Turi bamwe ntampamvu yo kunyubaha ncuti yanje gomba

wiyicarire hubwo kutaryama wewe kandi ihoteri nzima abantu bose baryamye?"

Nawe ati:"nahisemwo Kwizera Imana kandi kuyizera sindavyicuza kuko amasengesho yanje itanguye kuyishura rero kenshi iyo bose baryamye ndakunda kuza kwicara aha nkasenga ahubwo wewe kuri ngaha warugiye he?"

Jewe:"Numvise inzara inyishe ndaterefone service za hôtel mbura uwunyitaba nca mpitamwo kwigira kurondera ico ngura"

Yaciye ahaguruka ambwira kumukurikira duserukira mugikoni mbona yakije cuisinière atangura guteka nanje ndiko ndamuraba aca arambaza ati:"noshobora guterwa iteka ryo kumenya ivyaranze ubuzima bwawe kuko ugaragara nkaho utangaje cane numva nshaka gushira amazinda menye ko uri umuntu canke umumalayika ukaba utaronse umwanya wo kuba kwisi waharabira Kure uri mwijuru"

Kuvyukuri nasanze natwenze cane kuburyo nibaza ko nimba haricumba carimwo umuntu cegereye igikoni uwo umuntu yaciye akanguka nti:"hahaha atumumalayika? Inde? Jewe?"

Yaciye ahindukira aratwenga ati:"ko bigutwengeje none?"

Jewe:"kuva nabaho niryambere umuntu antwengeje nka wewe ahubwo sinarinzi ko wotwenga nikiziga Hhhh"

Yarandetse ndatwenga haheze akanya nti:"sinatwenze ngo ndagusuzuguye ahubwo natwenze ukuntu ubuzima bwanje bwaranzwe numwijima ukaba unyise umumalayika kandi wewe yibera mumuco iyo utuma unyita ijini hhhh"

Nca ndamubaza nti:"mbe harya bakwita nde?"

Aca ambwira ati:"...

Agace 11

Yavuze ati:"Nitwa..."

Ataraheza fone yanje ica irasona ndavye numéro mbona ni Princia nca manza kwitaba nti:"Princia namahoro kumofnye uzi saha?"

Nawe:"Sorry nukuri nabuze itiro nubu numva ibimaramare"

Jewe:"Kuberiki?"

Nawe:"kubera ivyakubayeko uzira jewe kuyindi ncuro"

Jewe:"bigaragara ko nimba Imana iriho ishobora kuba idashigikiye uguhura kwanje nawe vyovy gusa je ntaco bimbwiye ahubwo tuzovugana icari caduhuje ryari?"

We:"ushatse kumbwira ko bitakubabaje ivyabaye?"

Jewe:"oya ahubwo nuko ntashaka guteba muri kahise nshaka gutera imbere nkibanga kubikenewe kurusha ikindi"

Nawe:"David uzi ko utigeze uhinduka?"

Jewe:"Ntakamaro ko guhinduka ahubwo nyishura kukibazo nakubajije"

We:"nukuri merci hama ejo nzoja muri pause y'akazi saa sitaa nimba ataco uzoba uriko urakora tuzohurire aha kuri rond-point?"

Jewe:"sawa nzoguterefona rero raba uryame ejo ntuzoturire inginga kukazi"

Gahunda twayipanze uko maze mva kuri téléphone ntangazwa nakamoto keza kinrya zari ziteretse nti:"ur'umwana mubi"

Nawe:"kubera?"

Jewe:"ushaka kumenyereza inrya ziryoshe kandi utazokwama uhari ngo uzintekere"

Nawe aca aramwenyura bimubereye ati:"hhh nzoba ndahari kuko ntamigambi mfise yo gupfa kuko ikitanyishe kare Ubu ntaco kikingize ndavyizeye"

Nakomeje gufungura nongera nganira nuwo mukobwa mpejeje nca ndamushimira ndamusezera hama nsubira kuryama aho nikanguye bwakeye saa yine na nusu nca ndatumako icayi hama nditegura saa tanu na nusu nari nuriye imodoka ngenda aho twavuganye guhurira na Princia ndahashika imbere y igihe nkiminota 20 nca ndava mumodoka ariko nguma ndayihagaze iruhande nca nguma nitegereza abantu bariko bararengana kugira mbe ndaheza umwanya.

Murukwo kwitegereza nabonye umugore yikoreye umutebo wama pasteke ahetse umwana mumugongo nza mbona wa mwana aradashwe ariko ntiyabimenya nca ndamusifura aza aranyaruka ati:"Boss nshorera nshorera"

Jewe nti:"ahubwo umwana wawe ashobora kuba arwaye kuko ahejeje kudahwa sinzi ko wabibonye?"

Nawe aca aratangara yitegereza hirya no hino nca ndamubaza nti:"namaki?"

Nawe:"ndiko ndaba uwontuza"

Jewe:"zana ndagutuze"

Naramutuye aca aguma anyitegereza yongera ahanagura umwana ati:"abantu barasa mukama"

Jewe nti:"bande abo nabo?"

Nawe:"nizina ryimana udasa numugabo nigeze gukorera nkiri inkumi"

Jewe nti:"vyovyo abantu barasa ataco bapfana none uwo mugabo yitwa gute?"

Nawe:"izina ryiwe sindaryibuka kuko sinamukoreye igihe kirekire kuko umugore wiwe amaze gupfa haje uwundi mugore aca aranyirukana gusa numva bavuga ngo yitwa Mugabo uzi ko mpejeje no guhura numukobwa yasize yibarutse umugore we!"

Jewe namuravye mera nkuwufashwe numuyagankuba ariko avuze ko ahejeje kubona uwo umukobwa nca ndamuca mwijambo nti:"arihe? Mbwirahantu ari ndaguhemba ndakwingize wa nashaka izo pasteke zose nca ndazigushorera"

Nawe ati:"yewe nohamenya gute ko yabandaniye nanje nkabandanya ko we atanzi je namumenye kubera nagumye ndamubona ahubwo uwo muhungu niwe atanumwe yamenye iherezo ryiwe ubanza yaranapfuye"

Jewe:"Nadine ni jewe mwene Mugabo wareze nizina ryiwe ndaryibuka kuko niwe we nyene wandeze nkiriigitambambuga"

Nadine yarakangutswe ati:"yooooo rega je nari navyiketse kuko murasa wogira ngo nifoto yiwe bateretse aho"

Nagiye numva Princia ambaza ati:"mbega ko bagufotora uri muri séance photo canke?"

Ntangaye nti:"Inde ariko aramfotora?"

Aca antungira urutoki nza mbona umukobwa yuriye moto afise appareil photo niyumvira ico yamfotorera numva umutima urasimvye ariko ndavuga nti:"biramusha"

Nasezeye Nadine ndamuha namahera makeya nari mfise aranshimira cane nanje ngenda kuvugana na Princia kuko yari yambwiye ko afise umwanya mutoya maze twicara muri restaurant yari hafi ntangura ndamubaza nti:"mbwira rero ukuntu inzu y'a data muriko murayidandaza?"

Princia:"imbere yavyose ndashaka kwanza ubanze untege amatwi"

Jewe nti:"nico canzanye hano"

Nawe ati"kirya gihe umaze kugenda Papa na Maman batanguye gushwana bapfa umwana yaba muhira kuko Maman yaramufata nabi cane Papa amuvugiye Maman akamwagiriza ko aryamana n'uwo mwana ibintu vyamunaniye kwihangana bibaviramwo kwahukana nanje nubwo nari muto nahuza na Papa tuca turagenda kuba ahandi. Amakuru naje kumenya nuko uwo mwana yaba muhira yari uwo basa nabavukana na Maman ariko naho nyene ngo ntibavukana ahubwo iwabo waba Maman bamutoye arimpfuvyi baramurera hama akura arumwana yitonda akunda abavyeyi ba maman aribo sokuru na nyokuru banje nubwo ntababonye ariko numvise ngo baramukunda cane bakamukunda nkumwana wabo nawe akabakunda nkumwana wabo. Maman wiwanje nawe ngo yakuze bakunda guhangana nuwo mukobwa akaba yaranamupfuhira cane kuko yabona abavyeyi biwe bamukunda cane kurusha ukwo bamukunda we kandi ariwe bivyariye. Ngo aho niho urwanko Maman yamwanka rwahereye maze uwo basa nabavukana namashure arayanyarutsa kuko yaraciye ubwenge aca aronka umugabo yarumugenzi wa famille y'a basokuru baramwishimira kiretse Maman aho yagiye atera agatoke kukandi ahiga ko bitazoberera kuko ngo amatwi ansumira nawe nyene yarakunda uwo mugabo. Inyuma rero ngo uwo mugore yaje gusama inda igira

ka biri ariko mukuyivyara ntiyahakuye agatwe kandi biravugwa ko urupfu rwiwe rwabaye amayobera aho uwikekwa atawundi ari Maman, nyuma ngo Maman yaje kugerageza kuba mukibanza c'uwo mugore ariko umugabo amubera ibamba yanka kumuvyarako nawe amubera ishano gushika aho n'ya mugabo yangaye asigaye ameze nkumusazi Maman nawe asigara itunga ryose yangaza imfura yumugabo asigarana n'ya gakobwa kamwe na herako ndakubwira maze aca ahura na Papa niho nahavuye mvukira nisanga muruwo muryango.

David aya makuru yose nayahawe nuwundi mugore bakuranye na bâ maman arababanyi amaze kumenya ko be na Papa bahukanye. Naje kugira amatohoza mummyaka iheze nsanga uwo muhungu yangaje yari wewe nakagakobwa kaba muhira menya ko kari gashiki kawe numva ndababaye bimwe bitovugwa. Wumve ko mfise isoni zo kubaho kuko nzi KO navutse kumuntu wumugome nka maman nkabanzi ko yanyonkeje kugice c'ubugome bwiwe! Rimwe na rimwe mpora niraba nkasanga hari inyifato nagiye ndagaragaza mubuzima bwanje yubugome nkaca ntahura neza aho nabikuye aho uca wibuka n ingene twamenyanye. David ntabwo twigeze dushaka kudandaza ibitari rwacu ahubwo Papa yarazi ukuri kwose mukwahukana yagiye amwivye impapuro zirya nzu yanyu nubwo tutari tuzi iyo mwe na Sabrina mwarengeye twagumanye icizere ko igihe kizogera tuzobabona hama tukabashikiriza ivyanyu. Imyaka yaribaye myinshi kandi twari dutanguye kwibaza ko mutakiriho rero inzu twagira turabe uwo tuyiha kugira ntibe umusaka."

Princia yahejeje kunyagira iyo nkuru numva ndababaye cane nsubira muri Kahise. Si nari nsigaranye ikintu na kimwe kinyibutsa maman ariko iyo nkuru yatumye numva

ndamugiriye impuhwe nsanga nawe yakuze atorohewe nubwo nakunda kumutako ishavu ngo yaraturvyaye adushira mwisi yamagorwa aca ayidutamwo ariko uwo musu namenye ko umuntu atanga icafise koko nawe yaturaze ubupfuvyi namakuba bijana navyo.

Niyumviye kuri Papa yangaye ubu ashobora kuba yapfiriye kugahinga nibuka umusi nja gusiga irangi kwaba Princia nkasanga Sabrina ariko aroza ivyombo nkumva amaso yanse kumuvako kumbe simenye ko yamaraso ariko arakwegana nibutse iyo shusho nsanga koko naragiriwe amahirwe yo kumubona numva umenga nanje nokwizera Imana nkayisaba izonyongere ayandi mahirwe yo kubona Sabrina mushikiwanje.

Nisanze narize ndabimenyeshwa nakantu kokwihanaguza Princia nabonye ampaye maze ndihanagura ariko numva ngiriye umujinya udasanzwe Devota nako nyina wa Princia numva ndamwanse incuro nyinshi nca ndaba Princia nti:...

Agace 12

Nahagurukanye ishavu ryinshi nti:"izo mpapuro urazifise?"

Princia ati:"ego nazizanye"

Yakoze mwisakoshi arazimpa acampa nimfunguruzo zinzu nca ndamubwira nti:"ndagushimiye cane ariko kandi umbabarire numva bingoye gukomeza kukuraba ndazi ko muvyabaye ku muryango wanje ataruhara ubifisemwo ariko nyuma yo kwumva ibi ndakuraba ukanyibutsa Devota rero kubwivyo reka inzira zacu uhereye uyu musu zinyurane."

Nahagurutse ngira impapuro zinzu yacu nimfunguruzo nandurutsa imodoka ngenda ndasubiramwo inkuru yose uko Princia yayinteye ndashavura gose kuburyo numvise atakindi kizompa amahoro atari ukwihora nkahorera Papa na Maman ndetse na mushikiwange Narahiye ko ntazoruhuka ntabonye Devota musu y'ubutaka vyanka vyakunda kubwivyo nategewe kwigiza Kure yanje Princia kugira ntazogerageze kumbuza gushika ku mipango yanje kuko agerageje kunyitambika nibaza ko nawe yari kubigiramwo.

Nkiri murivyo nabonye téléphone yanje isona nshira kugutwi nsanga niwamukobwa ambwira ko yamaze kugira devis y ibintu vyose mbere ko aza yavuganye nuwo abirangurako nca niyumvira guhitana imodoka ikuze ndayikota maze ndamufasha kubitwaza tubishikana aho yari agiye gukorera maze turabipanga nawe uwo musu nyene atangura akazi naramusezeye ndamubwira ko ico azokenera azonterefona.

Jewe Naciye nja kwi hoteli ndariha vyose numva atarindi joro norara mugahinga kandi data yarubatse kandi kuyiraramwo Iryo joro vyasa nintsinzi kuri jewe aho nemeye kuyiraramwo

idasa neza akazi ko kuyihinyanyura no kuyisubiza ibuntu ndakarariza Bukeye ari naho nasubijemwo amarangi ndayigira neza.

Buraho naca hose mwiyo nzu hanyibutsa ubwana bwanje nkibuka vyose.

Nababajwe no kubona atafoto nimwe nsigaranye yabahoze arabavyeyi banje canke yumuryango.

Nagiye kukabare kari hafi nicara kuri comptoir nsaba icupa rimwe nteramirako nongera ndaba match yariko ica kukiyo cari kimanitse hejuru aho nabonye abantu bose bandaba bantunga urutoke ntangura kwikanga cane.

Natanguye kwumva akoba nibaza nti:"mbe basha Devota yoba yaratanze itangazo ko uwuzombona azobimumenyeshya nkaba ngomba nsubire ndarurwemwo? Ah oya kabisa igihe co guhagarika umutima kubera urya mugore wumugome caraheze ahubwo hagezweho ko ariwe azokwumva izina ryanje akajugumira akicuza icatumye abaho"

Negereye umukozi yakorera kuri comptoir ndamubaza nti:"kuberiki abantu bose baguma bantunga urutoki?"

Nawe ati:"Ah boss burya naje nakubonye winjiye nca ndakumenya kabisa?"

Jewe ntangaye nti:"Kuberiki?"

Yaciye atora téléphone yiwe yugurura connexion ndavye mbona amafoto nafotowe ntabizi igihe nariko ndatura Nadine wa mutebo wa pasteke ndatangara cane nibaza ico uwo umuntu yadufotoye yaragamije nsoma amajambo yari yanditse musi yagira ati:"Nibangahe hano mugisagara bohagarika imodoka bakaja gutura umutebo wa pasteke umukenyezi? Ntankeka uyu

mugabo canke umusore ntitubizi afise umutima benshi badafise kandi twari dukwiye kumwigirako guca bugufi no kwiyorosha kuko ntawe imvura itonyagira hano musu y'ijuru."

Nibutse igihe Princia yansangana na Nadine ko yambwiye ko ndiko ndafotorwa sinabiha agaciro nkomeza kwiyumvira igituma arije vyabayeko nca ndahaguruka ndataha mbonye abantu batanguye kuza gushaka kunyifotorezako"

Nshitse muhira nasanze umukobwa ahagaze kumuryango ampaye umugongo ndamushikiye nti:"urinde wewe uhagarara imbere yinzu yanje?"

Nawe avuga atandaba kuko yari yambaye umupira winkofero ati:"nduwondiwe"

Jewe nti:"wipfuza iki?"

Nawe abandanya ati:"nipfuza ico nipfuza"

Numvise ukwihangana gutanguye guhera nca ndamuhindukiza kunguvu ndanamwambura inkofera yumupira yari yifukishije mumutwe kuko nariko nibaza ko yoba ari Princia kuko ntawundi mukobwa nibaza yari kunkinisha nkuko kandi umwe twamenyanira kwihoteri ntamwanya wo kumenyerana kugeza kurwo rugero nigeze ndamuha, nza mbona n'isura y umukobwa ntazi yari yambaye amarori ariko aratwenga ati:"Hhhh koma ndagukanze sha"

Nari numva ntari muri mood yo gutwenga nabantu ntazi nca ndugurura portail hama nsunika umwango ninguvu nza numva wamukobwa arakomye induru mpindukiye nsanga yicaye hasi mbona ukuguru kwiwe kuri kumwango nagufyondeyeyo kandi yari yababaye biboneka nti:"ubundi abantu simwe mwitera ibibazo iyo uguma iwanyu ntuba uhuye nibi bibazo"

Nabonye nyamukobwa ambaza ashaka kurira ati:"niwewe witwa Elvis Mugabo?"

Jewe ntangaye kubera Numvise umuntu wundi amabaza Iryo zina nti:"urinde wewe?"

Nabonye akora muri rwarupira yari yambaye aca akurayo ibahasha ararimpa ati:" Akira nari intumwa nubwo ukuguru kwanje kubigendeyemwo gusa ukwiye kugabanya uwo mujinya ntaco uzokumarira mubuzima"

Jewe naciye ndamubwira nti:"ibijanye nubuzima bwanje ntibikuraba kandi aho ngenze ntuzi uko nahageze"

Nawe ati:"Urakoze"

Yaciye ahaguruka agenda aracumbagira numva ngize ikigongwe ntangura kwiyaagiriza ariko uwundi mwanya n'agira nti : "none siwe yansotoye iyo ashika avuga ikimuzanye ntibiba vyagenze neza aho kumanza kwigira ninja"

Niho namenyeye ko mumuntu hari amajwi menshi kuko mwuwo mwanya numva irinyagiriza nirimvugira ariko nubwo vyarukwo narumva ntsinzwe kandi ntishimiye ukuntu nifashe imbere yuwo umukobwa niho namukurikira ntazi I gituma ndamukurikiye aho namusanze yahagaze ngira vyari vyanse.

Ndamushikiriye yaratambutse aca aranyererera kwibuye aguye hasi nca ndamusama aca arandaba turahuza amaso nca ndamaramara ndaba hirya nca ndamuhagurutsa ndamuhagarika ariko bimunanira guhagarara kuko ukuguru kwiwe kwari kwatanguye kuvyimba.

Ntaco namuvugishije ariko numvise nshaka gukora ikintu kugira nkosore ikosa nakoze niho naca ndamuterura ndamwinjirana muri rwarupangu rwanje nshika ndamuryamika

muntebe ndende yari muri salon maze nsuka amazi yari mwiteremusi mwibase nkura ishata nari nambaye nsigara mwisengile hama nzana agasume ntangura kumukanda kuri kwakuguru ntamuvugisha.

Nagumye ndamukanda ntaheza gushika igihe nagiye numva avuze ati:"none urankanda gushika ryari?"

Sinamwishuye nabandaniye ndamukanda aca asubira aravugaga ati:"harubwoko bubiri bwabantu, bamwe bagaragarisha icyo bashakaga amajambo abandi bakabigaragarisha ibimenyetso nibikorwa, nabonye ko wakoresheje kumukanda mukunsaba imbabazi nanje nakubabariye kandi nabonye ko uri umuntu mwiza gusa ntushakaga kumvugisha kubera wibaza ko wohavaga usubira kuvugaga nabi ukankomeretsa ariko humura nize psychologie ndazi kumenya icyinyegeje inyuma y'ubuho nyafatanye na buri jambo.

Uwo umukobwa yambwiye ko yitwaga Nina ndamuherekeje gusa yanka kumbwira nyene ubutumwa yaranzaniye ambwira ko vyose ndavyisangiramo ambwira ko ari umubanyirye wanjye kandi koko yaba kurupanga rwari rurabanye nkurwizanyije.

Mvuye guherekeza Nina ninjiranye amatsiko menshi yo gushakaga kumenya ikiri murubwo ubutumwa nari nanzaniye.

Maze ntakindi nakoze aho nayipfunduruye nsanga hejuru hariko...

Agace 13

Napfunduruye y'a bahasha ntangazwa nokubona irimwo ayandi mabahasha menshi ndatora iryambere ndaripfundurura nsangamwo ikete ryandikishije iminwe ninyandiko isa niyumwana mutoya atazi kwandika neza ntangura gusoma ryagira riti:"musazanje tutonse rimwe kubwo kutaronka amahirwe yo kwonswa nuwanshize kwisi, sinzi igituma ndakwandikiye sinzi nuko iri kete rizogushikira, ariko numvise ngobewe kukwandikira kuko nimba ukiriho niwe wenyene mfise wo gutura agahinda mfise! Mbe kuberiki wagiye wenyene? Kuberiki wansize? Hoho iyo uri uribuka aho wansize nabo wa nsigaranye? ubu haheze imyaka itanu atawuguca nikanda naje ubuzima mbayemwo kwa tantine ukwo bukeye niko bumera nabi kurusha sinzi amaherezo yanje ayariyo gusa nkoreye mukwizera ndakwandikiye nizera ko niwarisoma uzotahura agahinda ndimwo yari Sabrina mushikawe agukunda"

Ako kari agakete kambere nagasomye mpeza amosozi yatemvye numva ntanguye kwicuza igituma nagiye nkaherayo nkibagira mushikanje.

Nasomye udukete twose yanyandikiye aho naduhejeje nahogoye nkuruhinja ndumuntu wumugabo.

Musi harimwo irindi bahasha harimwo amafoto nagakete kanditseko ati:"utu nitwo dufoto nashoboye kurokora igihe Devota yariko araturira ibisigarira vyivyacu uzaturabe wibuke amamuko yawe, wibuke ko urisase ryavuye kucuma ryaka umwanya urume rumara kuko imbeho nigikonyozi vy'ubu buzima bitakwemereye ku bandanya waka ariko ntiwigeze utakaza kuguma uri icuma kuko wavuye kucuma"

Nabonye amafoto y'a kera cane jewe nkiri umwana ndi kumwe na Papa na Maman nutundi dukeyi twariko Sabrina akiri akayoya arikumwe na Papa na Devota aho naciye ntora umukasi nkata uruhande rwariko devota ntora ikibiriti ndaruturira mvuga nimyoza nti:"uku niko nzokuzimanganya wa mugome we"

Uwo musu sinashoboye kuryama nisanze amasaha yakuze nicaye muri salon nca ntora icupa ryinzoga ikaze navanye kwihoteri sinaba nkirinywa aba ariryo ntangura kwiyahuza nongera ndahira ko ntazohwema ntihoze kuri Devota kubibi vyose yakoreye umuryango wanjye.

Nasubiye gutora ubwenge nikanguye ndi mugitanda nryamye neza nibaza ingene nashitse mugitanda birayobera.

Nagerageje kuvyura umutwe biranka kuko numva uremeye cane kubera inzoga nari naraye nyoye ariko natangajwe no kubona ibintu vyose mucumba canje bitondetse kumurongo ntangura kwibaza ivyarivyo kuko ubwanje ntamwanya nari mperutse gufata wo kubitondeka.

Nkiriko ndibaza numvise umuntu yasamuye muri salon nca ndavyuka ndandara ngenda ndifatikiza kuruhome bukebuke ndashika muri salon.

Nararavye neza nza mbona Princia yicaye afise yamafoto namakete mumunwe numva karaziriririze mubwenge nsinzi iyo nakuye inguvu ndagenda ndamuyora nti:"nigute wubahuka uzi nivyo nyoko yakoze? Aho uri nisoni wewe?"

Princia yatanguye kunsaba imbabazi ati:"mbabarira David...."

Jewe nti:"zibaaaa! Ehe ingene gasa! Canke sha nyoko yagutumye kuza kuneka ivyo uneka ngaha? Ahubwo urambwira ahari canke naho ndakwereka!"

Namufashe mwizosi numva umenga nomuniga kandi habuze gato ngo ndabishire mungiro nubundi nuko yaciye ankubita ivi ryo mumaguru ndababara cane nca ndamurekura nawe aca asohoka yiruka agenda arakorora nsigara ndahuhutwa aho yarahejeje kunkubita.

Imisi yatanguye kugenda maze nanje niyumvira ikintu co gukora kugira mbandanye niyungunganya hato ntazosanga ama euros nazanye aramperanye ngo nsubire ibubwa nari nagiriwe amahirwe yo gushika ibuntu ndishe ikiguzi kidasanzwe.

Ntakindi canje mumutwe atari ukugira ihinguriro rikora amarangi ndetse na entreprise izokora ivyo gusiga amarangi aho niyemeje kuzokwigisha abana bo mwibarabara bazonkundira umwuga wogusiga amarangi.

Ivyo nabikoze kugira ngo bizokwame bimbera icibutso ca kahise ndetse naje aho nafashirijwe ndahafashirize abandi.

Umugambi natanguye kuwiga ndawuca irya nino nsanga urashoboka nca ntangura intambwe zo kurondera abantu tuzokorana bazi ibajanye namahinguriro nibikoresho bikenewe kugira arivyo ntumako hanze ntangure kubitumako.

Nasohokanye imodoka urupangu nca mpurirana na Nina ariko aragenda yerekeza iyo ndiko ndaja nca ndavuza ihoni manura ikiyo ambonye aca aratwenga:"Hey bijinyagu!"

Jewe nishavuje nti:"Inde ari bijinyagu sha"

Nawe:"hmmm nibaza ko ari umuntu wese atazi gusuzuma umujinya wiwe aho ariwe yowutekanije akaba ahubwo ariwo umusarisha"

Jewe:"ushatse kuvuga rero ko jewe nasarishijwe n'umujinya?"

Nina:"Baravuga ko uwikeka amabinga... "

Jewe:"ndabona uno musu wanzindukiye urira basi ndagushikane iyo ugiye"

Nawe:"Eka daa ubona wosubira kumvunagura ntoba nizize"

Jewe nti:"tais-toi injira gusa"

Nina yaciye atwenga cane bimwe vyiyiwe ati:"Soit! yari blagues!"

Naramwihajeje turagenda haheze umwanya numva ngombye kumubaza nti:"nta gakuru ka Sabrina ? "

Nina:"basi wibaza ngo burya nari ndamuhutse ko aya makete yayansigiyeho haheze imyaka itari mike ambwira ko agiye mubundi buzima adashakaga ko haruwumuzi azobumutangamwo kuva icyo gihe ntamukuru yowe ndasubira kumubona ugiye ko ndamubwira kumubonye"

Nina yashitse aho yategezwe kwururukira nanje ntora téléphone mpamagara umugabo wumuntu commissionnaire kuko niwe nabona yongera uwo mbaza icyo nari nkeneye.

Yampaye inyuma ndazimamagara maze hanyitaba umugabo numva icyo rinca mubwenge nkaho atari iryambere ndaryumvise ndamubwira ko nshakaga ko tubonyana tukavugana icyakazigira nshakaga ko yomfasha nawe aremera hama ambwira aho ndamubonye nca ndakamubonye imodoka nerekanyeho nshitse

nca ndamuterefona ndamurangira imodoka ndimwo nza mbona
haje...

Agace 14

Umugabo muremure mvuze muremure mwoshobora kuba muribwira neza ko yari Goliyati nyezina gusa ukwo namubona we nti yari yamenye nti:"Galiyati!"

Nza mbona arikanze asubira arandaba ati:"David marangi?"

Jewe nezerewe cane nti:"abadapfuye barabonana rega"

Goliyati yasubiye kundamutsa nkumuntu wincuti yanje twaherukana kera nawe nyene agaragaza umunezero wo gusubira kumbona ibintu vyanryoheye maze twicara ahantu dutangura kuganira.

Nubwo yari yaranyigishije kutayaga ubuzima bwanje ariko we iyo ndamushikiriye ntivyankundira kuvyigumizamwo wamenga ndaronse aho ndabisesa.

Natanguye kumubwira ivyo nahuye navyo nawe aca ambwira ati:"warabaye intwari pe kandi nukubandanya ukwo nyene"

Naciye ndamubwira imigambi nashaka gukora ndatombora ambwira ko asanzwe afise ama contact y abantu bazotuma binyaruka gukunda niho naca ndamubwira nti:"Goliyati urabona ubu narakuze ndiko ndaba umuntu wumugabo niwe muvyeyi nahawe nubu ubuzima ndashima ukuntu uguma useruka ndagukeneye mu buryo butangaje kuburyo cambu c'uwurihano nokwita umumarayika murinzi wanje kanatsinda niwewe wangize uwo ndi we ariko ndafise ikibazo kimwe!"

Yaciye andaba aca ambaza ati:"ikihe?"

Jewe:"Nshaka kumenya Goliyati mfata nk'umuvyeyi wanje ni umuntu ki koko? Iki nico kubazo maranye imyaka n'imyaniko"

Goliyati yarandavye maze amanze yihumura mu maso ati:"ushaka kumenya?"

Jewe:"numva ryoba ari iteka ntewe pe"

Nawe:"ok reka nzoguhamagara mwiyi misi kuko ubu umwanya uragiye hari iyindi gahunda ngiyemwo"

Twaratandukanye ariko ngenda nezerewe nongera ntahana amatsiko yo kuzobona uwo musu azombwira uwo ariwe.

Imisi yakomeje kugenda ntangura kubabazwa nuko indahiro yanje ndiko ndateba kuyishira mungiro ntangura kwibaza ukuntu nzobigenza nca ndiyumvira nsanga uburyo mfise bwo gushikira Devota ari uguca kumukobwa wiwe kuko numva ko vyanka vyakunda nyina n umukobwa amaraso arakwegana kuburyo baruhira guhura nubwo botandukanywa na vyinshi.

Natoye téléphone bigoranye ntoro numéro ziwe hama ndamuhamagara ntiyateba kuyifata maze ndamusaba umwanya arawumpa hama anyemerera kuza kundaba muhira kumugoroba agodotse kukazi.

Naratashe ndamwitegurira maze asanga ibintu nabipanze neza ndetse nakanyishije nibinyobwa nari nabonye yakunda gufata ashitse ubona ko afise ubwoba naje ngerageza kubumukuramwo ndamuganiriza cane ndanamutwenga wanashima ndabikora neza kuburyo nagiye numva ambwira ati:"David uri sûr ko uri lucide wewe atakintu wanyoye?"

Jewe:"Hahaha nakinyoye nyene none ntubona amazi ndiko ndanywa!"

Nawe:"Hhhh oya vraiment je sinibaza ko aramazi yo nyene aguteye iyo morale kuko je kuva nanakubona sinari bwakubone uchangamutse nkuku!"

Jewe:"erega umuntu wese arafise ubushubozzi muri we bwo guhinduka haba neza canke nabi igihe abihisemwo bivanye nimpamvu ziwe"

Princia:"hhh reka ndavyizere"

Jewe narikarumye maze mvugisha ijwi ritekanye nti:"Princia!"

Nawe aca arandabana amatsiko menshi ati:"wiii mon David"

Yarabivuze neza kuburyo nasanze namubwiye nti:"ndasavye please uzokwame unyitaba mubwo buryo nubwo amahirwe menshi aruko nzohava nguma ndaguhamagara nshaka kunyitaba kuko ndabizi neza nzoguma ndabinyotewe ubutabihaga"

Yaramwenyuye ati:"ninko gukubita impfuvyi uyubwiriza kurira"

Naciye ndamubwira nti:"Urakoze cane! Hama rero naguhamagaye kugira ndagusabe imbabazi kubwinyifato nakugaragajeko imisi yanyuma twaherukana! Nasanze ndakurenganya rero nashaka tugire amahoro hagati yacu mbere tube abagenzi nkuko twamenyanye kera kandi ukangirira neza!"

Yavyakiriye neza anyemerera ko yibagiye kahise nca ndamubwira nti:"twigine intango nshasha gute rero?"

Nawe ati"haguruka umpobere ndibutse ko mperuka yambi yawe kera"

Jewe:"cambu cawe uriko ugerageza gukubita uwushaka kurira hhhh"

Twarahagurutse turahoberana mu buryo butateguwe dusanga twatevye kurekurana ahubwo dutangura kuganira duhoberanye

ibiganza vyacu bidahagarara gutembera mu mugongo wuwundi.

Princia yavuze mwijwi ritoya cane ati:"ntaranavyibagira nashaka ndakubwire ko umota neza"

Jewe nti:"vya kweli?"

Nawe:"nokubeshya yamara?"

Jewe:"nohava mpeba kwoga burundu kugira ngo bidashika ngo ntakaze aka kamoto"

Yaciye anyiyaka aca aratwenga andaba mu maso ati:"hhhh mbe we warasaze uretse kwoga ho woba uvyishe vyose"

Naciye ndamufata mubiganza nti:"urazi ko utwenga neza sha iminwa yawe iteye uburoho..."

Yaciye amera nkuwugize isoni kuburyo namwitegereje ntangura kubona ko atarivyimbeshere Princia ari mwiza cane aca ambwira ati:"please reka kundaba uriko urantera isoni"

Jewe nca ndamubwira nti:"humiriza basi"

Aca arahumiriza nanje sinzi icyumviro canjemwo nisanga ari nkisumaku iriko irankwega ntangura kumusatira nawe numva arahema impwemu ziwe nkazumva zimpepera aho nagiye numva....

Agace 15

Nagiye numva umuntu akoroye twese twikangira rimwe turakurana vuba ndavye nza mbona ni Nina aca amera nkuwusubira inyuma ati:" sorry ndabona nje mumwanya utariwo"

Je nca ndamubwira nti:"oya ntanakitwe karibu hubwo twariko..."

Princia yaciye ancawo ati:"nivyo ahubwo nari ndamusezeye"

Princia yaciye ataha nca nsigarana na Nina nza numva ambwiye ati:"hhhhhh nizere ko utariko uribaza ko nemeye ico kinyoma munkubise"

Jewe nti:"hhhh birashoboka gusa vyongeye ukuri ntakwo womenya"

Kandi koko vyari vyo kuko Princia ntakintu nakimwe namuronderako atari ukunshikana kuri Nyina wiwe gusa hama nkihora kandi ivyo ntanumwe nashobora kubibwira yaba na Nina nico gituma naciye ndamubwira nti:"nubundi biraba jewe wewe icara ndakuzimane hama duterame nimba utaje kungirira psychanalyse Hhhh"

Nawe ati:"yeah vyose birashoboka kuko ahondi nukwitega vyose kiretse ivyumujinya gusa"

Jewe:"urasubiye kuvuga bijinyagu?"

Twaraganiye na Nina ubona ko tumenyeranye hama biba uko tuba abagenzi imisi iragenda ariwe mfise hamwe na Princia nubwo hageze aho bose batangura kwinubana no kurabana nabi bisa naho biba bashaka kumpfa ariko muri jewe ntakintu

nakimwe napanga kijanye namarangamutima kuko uko nakuze ntivyanyemerera akwiyumvira cane ibijanye numutima.

Niho nibwira ko umusi umwe nzobwira ukuri Nina kugira areke kunkekera ubusa.

Umusi umwe nagiye numva Goliyati anterefona ansaba ko nomusanga kukabare kari hano nca ndabanguka ndamusangayo maze ndamusanga yicaye nshika nkwegaga gatebe maze ndicara nti:"Ndagize mwiriwe"

Yabaye nkuwuvuye kure ati:"Ah uza washitse"

Jewe:"harukuntu warumpanze amaso jeha n'agira urambona"

Nawe:"sigaho ngira nubusaza burimwo, none business zawe ziragenda neza?"

Jewe:"cane rwose ahubwo maze kuronka amasoko menshi amarangi yanje bayijukiye bigaragara ko abarundi baha agaciro ibintu bikorewe iwabo"

Goliyati:"ni vyiza..."

Hasonye téléphone yiwe arabamwo aca arayikupa yimyoza ubona ko atishimiye uwumuhamagaye nanje numva ngize amatsiko nca ndarinduka ndamubaza nti:"birakunda harya aho bigera umugore n'umugabo ntibashake no kuvugana" kuko nari nabonye handitseko Madame,

Goliyati : "ikintu cose kigira impamvu kikagira ningaruka, kigira intango kandi kikagira niherezo"

Jewe:"none noshobora kumenya zimwe murizo kuko nanje wosanga mubihe bizoza bigize icyo bimariye kuba naramenye kare"

Goliyati yatanguye ati:"aho ubona meze uku siko navutse meze ariko ubuzima bwarazungurutse buranzungurukana nisanga niko nabaye, nakuze ndi umuntu afise morale navuga menshi kandi narinzi gutera inkuru cane kuburyo aho naba ndi abantu bahateramira bikabagora kuhava kiretse ndahavuye, ivyo bikaba vyaratuma menyana nabantu benshi ndetse bakanabinkundira, nkumuhungu wese narakunda abakobwa nabo bakankunda bikambera akaryo ko kubiryoherezamwo kuko baba babinkundiye, gusa igihe kimwe umukobwa twakundana yaraje ambwira ko ukwezi kurenze indwi zibiri atagiye mumihango ibintu ntatahuye gushika aho yabivuze mumajambo yumvikana ko afise inda yiwanye.

Ubwenge bwanje ntibwari bwakomere eka ntibwari buniteguriye kwakira inkuru nkiyo kuko uretse nivyho sinari bwanagire ico nimariye nabuze ico ndenzako ndamwihoza haheze amazi atandatu niho namutoje imitwe yo kuyikorora ndamuha ibinini aho nasubiye kwumva inkuru mbi yuko yahavuye abigenderamwo. Kubera isoni nukwiyagiriza ko arije namwishe sinabashije no kuja kumaziko yiwe.

Kuva ico gihe natanguye kugira indoto mbi nzandaza buri majoro nicaye kuko naguma ndamubona aryanye mumaraso menshi iruhande hari uruyoya rurira cane induru nkayumva buri gihe.

Nibajije ko nasaze ariko kandi nsanga ningaruka zivyo nakoze mpitamwo kwiga kubana navyo ariho naciye ndondera akazi ko mwijoro aho kabarizwa hose kuko kuryama naciye ndabihebera abandi ariho natanguriye akazi kubuzamu mwijoro kumurango nkaja gusiga amarangi.

Ntamwanya nari mfise wo kuja hamwe n abandi ngo nrye amahera naca ariho natanguye gukora imigambi inkundira nubaka amashure yigenga menshi ariko vyose nabikora ntashaka ko bambona canke bamenya kuko iteka numva isoni zo kugaragara mu bantu.

Igihe kimwe nibajije ukuntu ndi agati kirebanga kandi mfise ibintu vyinshi mpitamwo kurondera umukobwa ndamuronka ndamugira umugore Ubu dufitanye abana babiri ariko ntarukundo ndamufitiye kuko ntamutima ukunda nkifise.

Ukwo niko wansanze hariya kuririya shure ndumuzamu ariko muvyukuri niryiwanje ariko bizi abantu bake nabo nyene batahakora."

Jewe Goliyati amaze kumbwira ivyo narumvise mbabaye nongera ntangara cane kandi mbona ntanico nokora ngo mpindure ariko nca ndamubaza nti:" none wibaza ko amaherezo yibi arayahe?"

Goliyati:"amaherezo ndayegereye cane kuko maze ikiringo c'umwaka menyeshejwe ko mfise cancer yo munsogi kandi igihe bambwiye nzomara cakwiye burya ubu ndiko mba muri bonus, abana narabanditseko ivyo mfise vyose ntaco bazokena kuko nubundi jewe nari mpari ntahari"

Twaratandukanye ngenda nsubira kwibaza ca ikibazo namanye nti:"ubuzima niki koko? Kuki ikosa rimwe rishobora gutwara umuntu ahantu adashobora kwivana ndetse akabaho ubuzima bwose yishura ingaruka ziryo kosa?"

Imisi yaragiye Princia dukomeza kubonana kenshi kubera ukuntu naguma ndamuryarya ko ndamukunda ariko kumutima ni bwira nti:"iyaba womenya sha"

Nama nibwira nti:"Imana yabikoze neza mu gutuma atamuntu amenya ikiri muwundi, abantu bizera ivyo bumva nivy babona ariko ntawumenya impamvu y'a vyose, impamvu tuvuga ukwo tuvuga, impamvu twifata uku na kuriya, impamvu duhinduka, eka vyose yabigize ibanga, sinzi igituma yabikoze ukwo, sinzi ikiruta ikindi mu bubi n'ubwiza bwavyo gusa ntankenka Princia azobikomerekeramwo be na nyina"

Nariko ndagenda numva abantu batwenga cane nca ndagabanya umuvuduko ndaraba umuntu nabonye numvise ngize amatsiko yo kumumenya niho naparika kuruhande nkabasanga aho bari bahagaze ndamushikiriye nabaye nkuwutaye ubwenge kuko nagiriyeko ndamumenya yari...

Agace 16

Ariko kandi nsubije ubwenge inyuma natanguye kugira amadidane nibaza ko amaso yanje yoba ariko arampenda ariko nemejwe nuko nari mpagaze impande yiwe nitegereza nongera numviriza ingene yateramishije abantu bose nza numva umwe avuze ati:"muhungu nibaza ko igituma udapfa ari kubera ijuru ritwokwakira nubwo bubeshi bwawe Imana ntiyashatse ko ubura vyose!"

Nawe ati:"oya ubu sinkiri immortel gusa ahubwo ndi immortel alias aimant des filles!"

Naciye nsubira mumodoka ntora ka kabangili yampa kuko niho kari kabitse nca ndaza nshaka ndakamuha nti:"mbwira ukuntu wazutse sha kuko je naheruka ubuzima waburekuye"

Yaranyitegereje araba nakakabangili haheze akanya numva aravuze cane ati:"yaaaallaaaaaah ehe wa munegeri nani aracariho!!!"

Jewe:"jewe none warigeze ubona ndiko ndapfa ariko je narakubonye wabuze ipepu"

Nawe:"uraaakarya umuswi kuri jewe ijambo gupfa ntiriri applicable nisi yose aho bigeze irabizi hubwo tugende umpe rimwe kuko ndibutse ko nari nagusezeraniye ko nzokwandukiza"

Yasezeye abo vyari kumwe duca turagenda ariko nagiye mbona ndiko ngenda jenyene nca ndahindikira kuraba iyo namusize nza ndamubona ari kumwe nabakobwa babiri bariko barifotozanya baca baza bansanga aho ndi ashika ambwira ati:"ariko ubundi ugenda urabiki kuburyo ushobora kurengana ibiremwa nkibi ntubibone n'umutima ntusimbe?"

Jewe nasanze natwenze nti:"ntumbwire gusa musanzwe muzinanye"

Nza numva umwe muri babakobwa ati:"mw'ubu Bujumbura ninde atazi Immortel Aimant des filles!"

Uwundi ati:"kabisa numustar twemera!"

Immortel yaciye ankorako ati:" Mbe harya bro baguhamagara ngwiki?"

Jewe nti:"David Malangi canke Elvis Mugabo yose nirwanje kuko nayahawe nubuzima"

Immortel : "what the fuck ayo mazina ni menshi ndayashize mumutwe nohava mbura ejo aho nshira amazina yabana bafise ubushuhe bwo mw'iki kiyaya"

Jewe ntwenga nti:"we warasaze kabisa"

Nawe ati:"none washimye uyuhe muraba?"

Jewe nti:"ntanumwe"

Nawe ati:"merdeeee! Ntumbwire ko uri muri babaswa bakunda abanegeri nkabo?!"

Jewe nti:"Hhhh wapi ahubwo abo uriko urambwira guhitamwo ntabo mbona"

Yaciye ahindukira asanga babakobwa bahise kera ati:"Bordel de merde! Le diable a repris les siennes il faut qu'on aille les rejoindre en enfer’’ (shetani yasubiye kuvyiwe reka tugende tubasange ikuzimu)

Twaciye tugenda immortel ariwe agenda arandongora mbona duparitse ahantu tuca turinjira batwaka ivyangobwa turabitanga maze mbona twinjiye ahantu hatabona neza tuguma tugenda aho twaserukiye ahantu hari amatara menshi yamabara

atandukanye ahantu wamenga ni mwijoro ntangazwa n ukuntu nari nsize hanze ari ku murango ndavuga nti:"uku ni kwa kuzimu yambwira ntakabuza!"

Hari urwamo rw'umuziki rwinshi nabakobwa baguma batamba basa nabambaye ubusa ubwo nyene nza mbona abakobwa babiri bazanye uducupa tubiri baradupfundurura baca baratunyweshya ndetse batwicarako.

Je aho narindi nibaza nti:"vya kueli ibi biriko birambako canke ndiko ndarota"

Ibintu nkivyo uretse kubibona mumafilms no muri France sinari bwabijemwo.

Nkiriko ndibaza nagiye mbona Immortel aterura wa mukobwa baca baragenda nanje nanka kumwigana kuko vyagaragara ko we yaragangutse cane nayo jewe nari numva nutuguvu dutanguye gucika kuko uretse nivyo namaso yanje yari atanguye kuraba imboyongo kugacupa kamwe.

Twagumanye numukobwa aguma anryamako ansomagura afungura ibipesi vyishati yanje nanje bikananira kumubuza haheze akanya nza mbona arahagurutse aca amfata ukuboko arankwega nanje ndamukurikira nkumucakara wiwe aho nayobewe ukuntu biriko birangendera ngo ntakaze ukwifata kwose.

Yuguruye umuryango umwe turinjira nza mbona aramfashe aransunura nca ndahenuka niteze kurwa hasi ariko numva nguye kugitanda kinipa cane nitegereje wa mukobwa mbona arakuye impuzu asigara ukwo yavutse nako Sinzi ko yanavutse kuko umwanya umwe naribaza ko ndikumwe namajini ndi ikuzimu nkuko immortal yari yabintangarije.

Burya umurundi yavuze ngo ico utarabona ucerekwa nukuramba ntiyabeshe, burya ikitarakubako uzohakane ko kitakikubayeko uvuye mwisi yabazima kuko ubundi bwobwo hano musu yijuru nasanze atakidashoboka.

Immortel namenyeye mumakuba akaba arinayo yanadutandukanije twasubiye guhura aruwundi muntu ntari nkimenya uwariwe ntangura kwicuza icatumye ndamwizera nkamukurikira mukuzimu kwa gisahuzi nkaba nsubiye kwisanga mukaga kuko umukobwa nabona imbere yanje ariko arazikura nabona atansiga ndi muzima.

Natanguye kubona ivyijiji birangira nsigaye mbona amashusho yivyangiye birambako mubuzima bwanje aho hangarutsemwo ishusho y'a kera cane nkirumwana aho nibonye ndi muri sallon ndiko ndakina na Maman yongera angaburira ambwira ati:"urabizi ko urumugabo?"

Jewe namwishuye:"umugabo niki?"

Maman:"umugabo ni ukwumva ko ukomeye kurugezo rwo gushobora gukomeza abandi uzobimenya niwakura ariko mukurindira utegezwa gufungura kugira uzokomere"

Nongera nsubira kubona turiko turakinira nabandi bana mumodoka aho nabonye ico nabonye nkirumwana nsinakimenya ariko kwiye ncuro ndakimenya mbere nca numva amarangamutima araduze kuko nari mbonye imva y'a maman, numvise agahinda katagira ukwo kangana nubwo ntarinzi ibiriko birambako ariko amosozi narayumva ariko aratembera kumatama yanje aho natangajwe no kubona ubwenge bunzana ahandi hantu nkasanga nicaye ahantu muntebe hameze nko muri sallon niravye mbona ndakuze mbona nambaye za mpuzu navamwo muhira nambaye.

Ndavye imbere mbona izindi ntebe zicayemwo abahungu nabakobwa bamwe bari kuma computor aho nagiye numva amashi avuga cane nca ndunamuka ndaraba nza mbona ni...

Agace 17

Numvise amashi nitegereje mbona ni immortel aca avuga ati:"Bravooo!!!"

Natanguye kubona ibintu neza mera nkuwuvuye mwitiro aca avuga : "mpore musaza twacanye mu kuzimu turagukira ntabwo nari kukuzana mu kundi ngo ndakwiture inabi ineza wangiriye ukemera kunyitangira hamwe muri ya bahari bagira bangaburire ca gifi, ntabwo navyibagiye, urabona turi équipe imeze neza cane ntabwo turi imborerwa nindaya nkuko wavyibajije irya yari test twakugiriye kugira turabe ukwo wifata imbere y'inzoga ninkumi kuko kwino si nabantu bake bovyihanganira nkuko wabigenjeje ugatsindana amanota meza congratz bro, ndabizi ufise ibibazo vyinshi vyo kumbaza ariko ndahari umwanya wose turawufise ntayindi gahunda iruta iyi kuko yapanzwe yongera ishirwamwo inguvu nyinshi kuva kera kugira ube uri ngaha"

Nivyo koko nashaka kumubaza ibibazo vyinshi nza numva arabandanije ati:"reka mpere igihe twatandukaniye kwanza ndazi ufise amatsiko y ukuntu nazutse, oya nako birazwi ko ndi immortel hhhhh, burya kirya gihe sinari napfuye ariko nari naravye kandi kumakuru bampaye nuko twese twashitseyo twaravye uretse ko baciye badutandukanya dukurikiranwa nabaganga batandukanye,

Maze gutora ubwenge nakora akazi kabonetse kose ntako nirengagiza ntangura gukora ntiziganya kuko numva ari ngombwa ko ndonka amahera vuba na vuba kuko indoto zanje numva aringombwa ko zizoba ukuri, maze gutangura kuronka uduhera naciye niyumvira kwiga maze ntangura kwiga ibijanye nindoto zanje"

Jewe vyananiye kwihangana nca ndamubaza nti:"indoto zawe zari izihe?"

Nawe:"David, nkuko ubizi nakuze ntazi uwo namukako, nubwo ntigeze nerekana ko ndamwitayeho ariko kiri mukintu camye kimbabaza kuburyo nama niyumvira ko ntari jenyene nisangije ikibazo co kumenya amamuko yanje, ivyo rero vyansunikira kwiyumvira ico nokora kugira ngire ico marira abandi bafise ibibazo bijanye no kubura inyishu zibibazo bafise, naryohewe no kwumva ko hari ishure mubufaransa bigishamwo ibijanye no gutohoza amakuru mwibanga mba arivyo nkurikirana gushika mpejeje iryo shure ntivyari vyoroshe kuko sinarinzi no kwandika ingene nize igifaransa no kwandika vyovyho sinobivugiraha mwotwenga mukumirwa kandi sinonabivamwo nanje, rero maze guheza nari mfise udufaranga nca mpitamwo kugaruka nkafasha igihugu canyibarutse ndakigorerwamwo kitanyanka, ihangiro yanje kwari kugira abo mforoma hama nkakora équipe ariyo yiyi ubona,

Ico dukora turondera amakuru mwibanga dukoresheje uburyo bugezweho bw' ikoranabuhinga hama tukayadandaza kuwuyakeneye ariko turiyubara kuburyo uwo tuyadandazako atayakoresha kubw'inyungu ziwe ariko kubwinyungu za bose kuko twe turubaka ntidusambura rero wotangara ndakubwiye ko wururutse indege ndakubona nukuri nari numva noza nkagusanganira nacanecane ko waje wenyene atanuwaje kugutegera ariko aka kazi dukora kadutegeka kugenda muburyo busiga ubwenge kandi bwitondewe, burya nurya mushoferi yagutwaye mwitaxi nuyu iruhande yawe"

Narahindukiye ndamwitegereje nca ndamwibuka neza kuko yaciye ambwira ati:" ni jewe come from"

Narumiwe mbura nico mvuga nza numva Immortel arabandanije:"uri muri projet nahereyeko nkishitse kuko numva nshaka kumenya amakuru yawe na kahise kawe ariko nubwo vyangoye narabitoye ndetse ngira amahirwe nca ndamenya ko uri mukuza nca ndategura vyose kuburyo bwinyegeje kugira na wewe uzobone ko ibintu biriko bigenda nkibisanzwe atakiviyihishije inyuma ariko nokubwira ko atagihamana cabaye kugira uje mwihoteri uhure nuriya mukobwa wafashije utigeze witaho kumenya izina, ngo kandi usange inzu yahoze ari iyanyu iri muziriko ziragurishwa Hama ngo uhure na Princia, igihe cari iki ngo nanje nigaragaze hama ungurire amakuru yose ushaka kumenya nako wanashaka ndagukopa we urumuntu wanje hahahaha haguruka turamukanye disi"

Mu buzima ryari rigize kabiri mpura n umuntu atangaje anayobeye naravye immortel nsanga ameze nka goliyati kuko nibo bantu mwashobora guhura uno musu ari uyu muntu ejo mugahura yabaye uwundi, narahagurutse ndiruhutsa ndamuhobera nti:"ukuzimu kwawe sinarinzi ko kwari gutekeye ibi, nukuri ndabuze ico mvuga, kuko urandenze kabsa ubwenge bwawe burenze ubudasanzwe merci cane kuvyo wankoreye ntabizi ko uriko urabikora"

Immortel yambwiye amazina yabo bari kumwe bose turamenyana baca bazana amafanta turanywa kuko ntibari bemerewe kunywa ibiboreza kuko bituma umuntu atakaza ukwifata bikaba vyotuma avuga ibitagenewe kuvugwa aho nakomeje kubigako bose bari abantu bazi kuganiriza kandi biga kunyishu yose utanze kandi ukwo mwaganira wumva ushaka kubandanya vyagaragara neza ko iruhande yimpano

banavyigiye mu mutima nti:"iyaba narinzi kuganiriza abantu nkuku nobabaza bake kandi nobaye mfise abagenzi benshi"

Nza mbona immortel arandavye ati:"ivyo uriko uriyumvira sivyo David!"

Jewe ntangaye nti:"hmm ndiko niyumvira iki?"

Nawe ati:" sindumutelepathe ariko ngereranije ushobora kuba uriko uripfuzwa kuba womera nkatwe, ariko ntibikenewe ko umera ukundi kuko ukwo nyene uri nikwo kwiza, gusa wisanzure ngaha turi umuryango kandi twakwakiye kabsa"

Namubajije nti:" mwakoze nukuri, ariko wabigenje gute mu kumenya ivyo ndiko ndiyumvira?"

Nawe ati:"burya buri nyifato yo mumaso igaragaza icyumviro kanaka rero urumuntu uvyitaho woshobora kumenya ivyiyumviro umuntu arimwo gushika kubice mirongwitandatu umuravye gusa mu maso"

Jewe ntangaye nti:"waoo c'est vraiment incroyable"(oh biratangaje cane)

Twabandanije tunganira na immortel aho nasubiye gutangara mbonye umuryango wugurutse hakaca hinjira...

Agace 18

Natangajwe no kubona hinjiye Nina we ntiyari yambonye anshikiriye yarakangutswe ati:"yampayinka bijinyagu yajinyaraye ngaha gute?"

Bose batwengeye rimwe jewe nca ndaba Immortel nti:"sans déconner, nuyu yaje mubuzima bwaje kugakino kawe?"

Immortel : "Oya ahubwo uyo yabaye coïncidence nyene namenye ko munazinanye vuba sinon nawenyene ari muri team yacu kuko twasanze afise ibikwiye vyose kugira ashobora kuba muri twe"

Naciye ndaba Nina nti:"Ko utigeze umbwira na kimwe?"

Nina:"j' imagine ko bakubwiye ko hano atawuvuga ivyo akora hanze niyo mategeko"

Naciye mbaza nti:"none harakurikira iki?"

Immortel ati:"Mugabo Elvis alias David Marangi ineza wankoreye ntiyokwijana ukwo nukuri ndagufitiye amakuru menshi kandi nzi ukeneye kwumva ariko kurayamango reka dusezerane kuko akazi katurindiriye ni kenshi we ndafise inimeru yawe nzaguhamagara tuganire twicaye mwiye misi merci kandi"

Jewe nti:"uratangaje vrt merci ahubwo wewe!"

Twaratandukanye ndataha ngenda ndibuka ibintu vyambayeko niyumvira kuri Immortel numva mbuze ico ndenzako gusa kandi nari nezerewe kubona nari nsubiye kumubona vyukuri narumva ko arumugenzi wanjye.

Inyuma yimisi Mike niyumviye wa mukobwa nafasha nibuka ko haheze igihe kinini ntamuvugisha nca ndatora numéro yiwe

ndamuhamagara aca aritaba ati:"Urabizi ko nagira ndaguhamagare? Ahubwo uzoramba urakaramba!"

Jewe ntwenga bukebuke nti:"vya kueli? Ngaho nyagira canke vuga duhabwe nizere ko umfitiye amakuru meza kuko nizera ko inkuru zinca mugongo twazirenganye sivyo?"

Nawe : "Hhhh oya humura ninkuru nziza ahubwo duhurire he ngire ico ndakwereka ndakwishimeko?"

Jewe nti:"ahubwo karibu muhira ubone ahomba nimba utanyinuba"

Nawe:"Oya nokwinuba bese kiretse wewe nukuri"

Namuhaye adresse aca ambwira amasaha aza kuzirako ubwo nyene nkufye nza mbona Princia arinjiye ashika yicara iruhande yanje atandamukije ahoze cane ntangura k wibaza ico yabaye.

Burya mu buzima nasanze umuntu wambere atinyitse suwukankama canke uwutontoma, ariko ni urya yihoreye utamenya ikimurimwo kuko mwuwo umwanya agacerere ka Princia katumye ntangura kwiya giriza amakosa yose namukoreye atanakimwe aravuga.

Natanguye kwibaza ko yamenye ko namuryanye ndamuhenda ko ndamukunda naho nashaka kwihora gusa.

Naravyiyumviye cane nawe aguma ahoze mbona ahubwo amosozi ariko arakoroka kumatama yiwe ubwoba buranyica ntangura gutsindwa gose nca mfata ingingo yo kumusaba imbabazi bitaraja kure kuko nubundi nubwo ntashaka kuvyemera buruko nashira ubwenge kugihe narumva ko ndiko nkora ibidakorwa.

Nkiriko ndisuganya ngo mvuge nza numva aratanguye kuvuga ati:"kuberiki mbabaye? Kuberiki ndiko ndarira? David mbwira birakwiye ko ndira koko?"

Jewe nabuze ico ndamwishura aca arabandanya ati:"ndimburakimazi nukuri ntaco maze kuki jewe koko? "

Naciye ntimbisha ndavuga nti:"mbabarira Princia imburakimazi ni jewe, umuhimbiri umushenzi igipfu ni jewe ata mutima ngira, mû bisanzwe abantu nkatwe ntitwari dukwiye kubaho kuko ntidutunganye, Princia mbabarira kubona narakubeshe nkaguhenda ko ndagukunda kandi nashaka ko unshitsa kuri Maman wawe nkihora, sinzi kwanza ko nimbabazi ndazikwiriye, ariko reka mpfe kuruta igihe nicagera bigakunda ko umbabarira uzombabarire nutana mbabarira naho nzogutahura kuko naje Sinzi KO nzokwibabarira kuba narakinishije amarangamutima yawe!"

Nagiye mbona Princia ahenuka aca araraba vyagaragara ko ndamubwiye ikintu atashaka kwumva ntangura guhangayika niyumvira ukuntu ndibubigenze, nagerageje kumukangura ariko wapi ntiyanyiganga ndakuri shati ndamupepera biranka nca ndazana amazi ndamumija kumaso nahone ntiyikakaza ntangura kwiyumvira ibintu biteye ubwoba nca niruka mucumba gutora ingondo yarimwo ivyangombwa ndamujane kwamuganga ndayihiga ndayibura nca ndatora amahera yari hafi nca ndaza ndiruka muri salon ariko ndahashitse nsanga ntawuhari nca nsohoka hanze nza ndamubona yuriye taxi kwibarabara ica iranduruka.

Mwuwo mwanya nta mwanya nari mfise wokwiyumvira kuko ikintu canjemwo ni ukuyikurikira ntangura kuyirukako ariko

nagiye numva umuntu amfashe arangumya gose mpindukiye nza mbona ni Immortel ati:"nibiki David ko usaze?"

Jewe:"ndeka Princia aragiye aransize"

Yaranse kundekura ati:" aho ntasoni kwiha amenyo yabatwenzi? Urazi ko abantu bariko barakuraba? Wiruke kumodoka kubera umukobwa? Basi tuma watsa rwawe umukirikire nimba umuhamvya kuko ayamango ntumenya nibarabara yafashe"

Immortel yambwiye ukwo numva ambwiye vyo nca ndaturura nsubira indani munzu ariko naguma niyumvira Princia ico agiye gukora, dushitse munzu niho nagiye numva Immortel ambwiye ati:"uzi n'ikindi? Inkuru ndakuzaniye Sinzi ko arimbi canke nziza ariko kuri jewe sinziza"

Jewe nti:"vuga nimba uvuga kuko inkuru mbi nizo zankujije"

Immortel : "nabimenye imbere y'a benshi bivanye nakazi nkora ndaraba kuvyigumizamwo ariko nubundi wari kuruhira kubimenya"

Jewe:"Hm"

Immortel : "nubundi ntakindi kinzanye atari ukukubikira"

Jewe:"Saaa? Ninde yapfuye?"

Immortel : "Ni..."

Immortel : "Devota"

Jewe nti: "arrête ! Tu te fous de moi ou quoi?" (Sigaho! uriko uranshinyagurira canke?)

Immortel : "ikibabaje hubwo nuko yapfuye yiyahuye"

Immortel yambwiye ukuntu bamusanze mucumba cihoteri yiyahuye je bimbera amayobera nihi yaca ambwira ati: "ndabizi ko wari ugambiriye kuzokwihora ariko kuvyukuri nico kintu cambere nakugayeko, abenshi kwisi bibaza ko kwihora ari ugukemura ibibazo canke arubutwari ariko baba bihenda, umuhizi nuwutsindisha inabi ineza suwutsindisha inabi inabi, kuko nubwo yakubereye umugome ukwiye kumenya ko yabereye nyina uwundi mwana akamwonsa agakura kandi uwo mwana ntakeneye kuba impfuvyi kubera wewe, mu bisanzwe kwisi vyose biraharihirwa, ukora iciza ukagisanga imbere wakora inabi ikaguherekeza, reka mbwira gito canje nicuwundi cumvireho, nejo nejo bundi iki kizogutuma wirinda kwihira kuko uwakubabaje wese aho azoba ari ntuzokwibaze ko azoba anezerewe kuko ntamahoro numunyavyaha, ubona iyo wiha ibara ukica devota utari kuba wiyanduriye ubusa? Yaruwusanzwe ariko arapfa kuko yari yapfuye kera! Mubuzima uwakubabaje uzomwihoreshe guterimbere kwawe ukubona ko wabandanije inyuma yinabi yagukoreye niyabona warateye imbere bizomutera kwicuza kwicuza kurababaza ariko harigihe kuvyara kwihana niyo yihana kubera icigwa uzoba umuhaye uzoba ukoreye Imana nawe aho uzoja hose uzoba amahoro!"

Immortel natangajwe nukuntu impanuro yampaye zankozeko nkumva ndigaye koko ndemera ko nabaye umunyantegenke ariko kandi mbura ico ndi bukore ngo nkosore amakosa nakoze niho Immortel yaciye ansezera nca nsigara ndiyumvira.

Uwo musu niriwe muhira numva ndababaye ntangura kwibuka kahise ivyo devota yadukoreye vyose ariko nsanga umenga nubwo yatubabaje ntiyarakwiye gupfa yiyahuye nukuri.

Niyumviye Princia ahantu ari ukwo amerewe numva ndamugiriye impuhwe zidasanzwe nongera ndiyanka kubona namubereye incuti mbi ndamusonga igihe yarankeneye ngo ndamuhumurize, nsubira kwiyemeza ko koko atamutima ngira, ukwiyagiriza gusa nivyho vyari binganje uwo umwanya.

Amasaha yumugoroba ageze numvise umuntu adodora nca ndibwira ko ari wa mukobwa nca ndasohoka kwugurura nubwo hari hakingiyeko nkweze akango mbona umuhungu ntazi muremure avyibushye bukebuke ahagaze wenyene jewe nti:"namahoro?"

Nawe:"Niwewe witwe David?"

Jewe ntangaye nti:"ego"

Nabonye umuhungu asubira inyuma niyumvira kumufata nkamubaza ariko numva ntatuguvu nigirira nca ndamwihaza harya nkisubiye inyuma nabonye yinjira ari kumwe na wa mukobwa ndatangara nti:"hey kumbe yari mwebwe?"

Nawe ntiyanyishuye ahubwo nabonye aguma azunguruka inzu ayitegereza azenze amarira.

Twe na wamuhungu twakomeza kumukurikira tumubaza ikibazo afise ntatwishure, je aho ndi ntangura kwibaza ko ashobora kuba afise akabazo ko mumutwe.

Hageze akanya yinjiye muri salon atangura kuraba amafoto namanitse yaramwe Sabrina yandungikira ari kumwe namakete nza mbona arandavye namosozi menshi ati:"nta nkeka uri Elvis musazanje"

Jewe aho narindi nagize ngo nije numvise nabi nti:"uvuze?"

Nawe ati:"ni jewe Sabrina"

Ntamajambo mfise yo gusobanura umunezero numvise mwuwo umwanya, nari mfise ubwoba ko zishobora kuba ari za ndoto zigarutse kuko namajoro menshi nari nararose mbonana na Sabrina, nagerageje kwikorako umubiri wose nongera nti:"ntibishoboka izi nizandoto nama ndota nubundi zigarutse aha mukanya ndikangura ndikangura nsubire mu gahinda"

Natangajwe no kwumva ijwi rya Nina ntari namenye igihe yinjiriye avuga ati:"ntabwo arindoto ahubwo ni ukuri yooo Sabrina disi uzi ko wabaye mwiza birenze"

Aho narindi nateye intambwe ndamuhobera tumarana umwanya munini kuburyo ukwo umwanya wahera ariko natangura kwemera ko atarindoto haheze akanya ndamwitegereza nari numva umenga twoganira vyinshi ariko yambwiye ati:"kuberiki koko ntabimenye ko yari wewe wamusi duhurira mwihoteri irya mbere?"

Jewe nti:"ico ikibazo turagisagiye Sabrina wanje"

Nagiye numva wa muhungu bazanana avuze ati:"a-ha rero mwibaza ngo nsindiko ndapfuha"

Sabrina aca arihanagura amosozi aramwenyura araba wa umuhungu ati:"Pardon chr, nibagiye kugupresenta, uyu nimusazanje umwe nakubwira nabuze nkirumwana,

twamenyanye angirira neza ntamuzi nawe atanzi ariko ndizera ntakekeranya ko aramaraso yakweganye!"

Yaciye ahindukira arandaba amwenyura cane bigaragara ko anezerewe cane ati:"Musanzaje, uyu yitwa Bertrand numukunzi wanje, twizera ko vuba Imana itugiriye neza tuzokoranya umuryango naburya ubu menye ko uhari nsinkitanzwe numunyagahinga"

Yaravye Nina barahoberana umwanya utari muto maze nanje nikubita kwibarabara nzana ibinyobwa tugira umusi mukuru nibagira agahinda kose nagize.

Nina niwe yaciye avuga ati:"nubwo tutari muri mood yavyo reka mvuge nti toutes mes condoléances kubwa Dévota"

Sabrina niwe yatangaye bigaragara ko inkuru atari yayimenye Nina we yarafise amakuru menshi yibijanye nurupfu rwiwe aca aramudondera nanje nsubira kuyitegereza ubugira kabiri.

Natangajwe nukuntu Sabrina atababaye na bukebuke bintahuza ko atakabuza yamubabaje bihagije kuburyo ataburenganzira agifise bwo kumuririra.

Nina yarasezeye arataha ijoro ryijimye ndetse na Bertrand Sabrina aramuherekeza ariko we ntiyatashe kuko twari dufise vyinshi vyo kuvugana kandi nawe yari yumva ko ari muhira.

Twaraye twicaye ndamwiganira ivyambayeko nawe ansubiriramwo inkuru yantereye mwihoteri igihe tuhahurira iryambere buhakwa kudukerako aho twatandukanye saa cenda zigitondo, tuca turaja kuryama aja mucumba cahoze ariciwe nanje nja mucanje.

Nshitse mucumba kuncuro yambere narapfukamye nshimir'Imana kugitangaza yari inkoreye uwo musi hama

ngarama kugitanda amaboka ndasanza numva ko ntakabuza ryajoro rirerire ritevye rigaca umutwenzi uratamanzuye.

Si namenyeye igihe nasinziriye ariko nakanguwe na terefone yasonye ndavye nsanga ni Immortel aca ambwira ko amaziko y'a Devota aza kuba uwo musu nanje nibuka Princia agatima karatera nca mvyura Sabrina twemeranya kuyagendako.

Ndiko ndambara kakabangiri immortal yampa karakorotse ndagatora nca ndibuka ko ntigeze nkora ivyo yansavye nca ndasoma izina ntagazwa no gusanga iryo zina ndarizi kuko ryari irya...

Agace 20

Izina ryari rihuye neza niryari Goliyati nca ndatahura impamvu bahuje vyinshi mumico ndetse no muvyiyumviro bakaba batandukanijwe nikosa ryakozwe mubuyabaga na Goliyati maze ngira inama yo kuzobahuza.

Narambaye ndaja muri salon ndindira Sabrina atari bwaheze kwitegura haheze akanya araza turasohoka twese twambaye ryabara rigaragaza umubabaro ryirabura natangajwe no gusanga iruhande yimodoka yanje haparitse iyindi nca mbona Bertrand ahagaze iruhande nca ndamenya ko vyabaye aho umwe ari niho uwundi aba abarizwa nanje ntangura kwiyumvira ingene nca nza kugenda ndumviriza indirimbo mu modoka nimara irungu.

Ariko Imana ntiyibagira uwayo numvise Nina ambwira ati:"humura ndakwitiza uno musu ndakurinde kuryumubu Hhhh"

Twajanye na Nina mumodoka ngenda ndamwiganira ingene twatandukanye na Princia ndamubwiye imigambi yububisha nari ndamufitiye aca ambwira ati:"David, je ndagukunda ariko Princia arandusha kugukunda kandi ndazi nawe uramukunda nubwo wibaza ko washaka kwihora rero ndi wewe nova muri za ninde nkafata ingingo kuko ndazi bizokugora kuronka umukobwa agukunda nka Princia ndabikubwiye nkumuntu agushakira ineza"

Jewe:"Nivyo ndamukunda Princia ariko ndamukunda nka mushikanje kandi koko nimushikanje"

Nina:"ariko je nawe turazi ko atamaraso muhuje kuko nibutse neza Maman wawe na Devota ntibari bavukana ndetse na Se wiwe siwe So wawe"

Jewe:"Nivyo ariko je nza narishizemwo ko tuvukana rero vyongora kuvyikuramwo ngo nje muvyo kumutereta"

Nina:"Biragusha rero ntereta jewe hhhhh"

Jewe:"hhhhhh we warasaze"

Twagiye turatera inkuru ntitwateba gushika aho amaziko yategezwa kubera natangajwe n ukuntu hari abantu baharuye ndavuga nti:"sinari bwabone umuntu yankwa yapfuye"

Nabonye Princia hirya ari kumwe nuwundi mugabo bari basa cane nibwira ko yari Se wiwe hama ndatinya kuja kugira ico ndamubwira nguma ndamurabira kure.

Princia yararira nkumva birancumise kumutima, natanguye kwibaza igituma biriko birambangamira kubona agahinda gatashe mumutima wiwe nkumva iyaba vyarivyo nari gukora nozura Devota akabaho basi nkabona Princia anezerewe.

Umugirwa ugeze twakurikije uwo gukaraba aho vyabereye kuri rwa rupangu naje gusigamwo amarangi nkirumwana nkahasanga Sabrina nsindamumenye aho twahashitse ndabibwira Sabrina aca asubira kurira yibuka kahise.

Hari ukuntu muburyo budatahuritse numvise nshaka kurira nca ndasohoka nja inyuma yinzu ndarira ninyegeje nubwo ntarinzi ikindiza nza numva umuntu ankoze kurutugu ndavye nsanga ni Princia aca arambwira mwijwi risaraye ati:"David ndabizi ko wibaza ko wakoze ikosa ritababarirwa ariko nukuri narakubabariye kuko ndagukunda cane David, kandi ndabizi wabayeho ubuzima butoroshe, wakuriye kure y'umutima wa

benshi ariko rwanje wahozemwo kandi uzohoramwo rero wumve amahoro narakubabariye, sinogenda ndagusize mukwiyagiriza"

Jewe ngangutswe nti:"ugiye he?"

Princia:"Papa agiye guserukira igihugu muri Canada rero niyo tugiye kwimukira tuzogenda ejo, uze usigare amahoro Imana ibishatse tuzosubira kubonana"

Narababaye ndihangana ariko kandi nryoharwa ko mbabariwe tuca turahoberana haheze akanya tuca dusubira muri salon.

Ivyo birangiye umwe wese yarisoje arataha Sabrina aransezera ajana numukunzi Nina aja kukazi nanje nurira imodoka ngo nje kuraba abakozi ukuntu bariko barakora ariko nkiriko ndagenda nahamagaye Goliyati hanyitaba umuntu wumugore ndamubaza Goliyati ntiyamenya iryo zina nca nibuka ko arije ndarimuhamagara je nyene niko kuca ndamubwira izina nari nasomye kukabangiri aca ambwira ko Goliyati vyahavuye vyanka gose ahubwo ubu atakiva kumusego barindiye ko gaca.

Numvise mbabaye cane nca mpamagara Immortel ndamusaba kumperekeza ahantu nirinda kumubwira ahariho Nico tuzoba tugiye gukora aranyemerera tuca turahahirira maze turinjira.

Yararwariye kubitaro ndangurura kuri adresse umugore wiwe yari yampaye tuhashitse Immortel mbona amwitegereje arakangutswe aca arashavura cane aca arasohoka nca ndamukurikira ndamufata aca aranyitanga ati:"David kuki wakoze ikintu nkico utambwiye? Wibaza ko iyo nshaka kubona Papa vyari kunanira? Rega nari ndabizi ko ariwe yatumye vyose bimbako? Kandi amatohoza nari narayikoreye ndamumenya mbere incuro nyinshi twarahura nkamwihoza kuko nawe yanyihojeje kuva nkiruruhinja"

Jewe nti:"Wanyigishije kutihora nanje nkundira nkwigishe kubabarira kuko ivyo bintu bibiri kimwe nihasa ryikindi uwutihora nuwubabarira rero nimba koko urumuntu mwiza ba muzima umubabarire je ndamuzi twabanye kuva igihe nari mwibarabara niwe yantoye akanyigisha ibintu vyinshi, yarampishuriye agahinda yagize kubera amakosa yakoreye maman wawe arinze asaza yicuza kandi wewe ntiyigeze amenya ko warokotse gushika izi saha azi ko mwapfanye na Maman wawe, rero ubu ndazi asigaje igihe gito kugira ave mu bazima, kumubabarira ntibiza kumukiza irya cancer ariko biraza kumuruhura aze aruhuke amahoro!"

Bigoranye Immortel yemereye kumubabarira maze twinjira muri cacumba yararyamyemwo amwicara iruhande aca amufata ikiganza aramuhamagara ati:"Papa"

Goliyati yarasinziriye aca arikangura aguma amuraba ati:"urinde ko ntakumenye"

Immortel:"ndigiti camye kukabuto kagukorokanye gakura utavyipfuza, wagerageje kunzimanganya ariko ndahari narakuze, ibinini wahaye mawe ngo anyikize niwe vyahitanye jewe ndarokoka ubu ndumugabo"

Goliyati yaciye akangukwa cane kubwayo majambo aca aricara ati:"ntibishoboka!"

Yatanguye kwisigura akoresheje utuguvu twose yarasigaranye arateba aja kumavi asaba imbabazi Immortel nawe arazimugirira barahoberana ndamurabira mubitugu vya immortal umunezero yagaragaje aca arambwira ati:"David nimba naragukoreye iciza we unkoreye ikirenze ico nagukoreye incuro amajana, ndagushimiye cane Imana

yonyene ize ibikwishure, nayo jewe ubu ndashobora gutahuka amahoro"

Yasubiye kuraba immortel ati:"Iyo menya kuriho mba narabayeho ubuzima butandukanye cane nubwo nabayeho,... ariko iyo menya yananiye abahinga"

Goliyati yasubiye kuryama aca arasinzira gushika nubuntarasubira gukanguka...

Umusi umwe Immortel yampamagaye ambwira tujane kuraba aho bamuryamitse niyumvira ikintu tugiye gukorayo ndakibura ariko dushitseyo anyereke imva imwe yari imeze nkiyishaje nsomye izina mbona handitseko irya Papa maze Immortel aca arambwira ati:"menye vuba ko Papa wawe yapfuye agonzwe nimodoka yishirahamwe akaba arinayo ryamuhambishije wihangane ndazi ntivyoroshe"

Ubuzima bwanje rwabaye urugendo rurerure ntabwo nigeze nca munzira igororotse ndetse nagendeye mumwijima kenshi aho numva ntakekeranya ko nari kure y'umutima w'Imana kuko vyangora kubona impuhwe zayo ariko nasanze igikomeye sinzira nibiyirimwo ariko naho igushikana, abarundi barayamaze bati ikitakwishe kiragukomeza nanje uno musini komeye kurusha benshi, inkuru yanje nikimwe mubikoreshe nkoreshe mugukomeza abandi boba numva bari Kure y'umutima w'Imana.

Binyibutsa ijamba Maman yambwiye ati:"Kuba umugabo ni ugukomera ugakomeza abandi"

Yari Mugabo Elvis alias David Marangi...

THE END

Ndabashimiye cane kubona mwarakurikiye iyi nkuru kuva kuntango gushika kwiherezaho, nizera ko yagize ico ibafashije. Ndabipfuriye umwaka mushasha wa 2022 ico uzotubera sico gikomeye ariko ico tuzowubera nico gikomeye kuko nico azoba arinshingano zacu, tuze twibuke ko turi ingenzi hano kwisi kandi turiko tubaho ubuzima busiga inkuru ndetse inkuru tuzosiga aha kwisi niryo rari ryambere tuzosigira abazotwarukako, rero muri vyose duharanire kuba inyankamugayo no kubaho ubuzima bwipfuzwa, mwarahezagiwe.